



第十三
 淮海集鈔
 江湖長翁詩鈔

道卿詩鈔

十三

柳田文庫
 文庫11
 D 156
 13



文庫 11
D 156
13

道鄉詩鈔

鄒浩字志完常州晉陵人第進士為太常博士哲宗擢
為右正言時廢孟后立賢妃劉氏浩切諫削官羈管新
州徽宗立召還復官問諫草安在曰焚之矣退告陳瓘
曰禍在此乎異日奸人妄出一緘則不可復辨也蔡京
用事果為偽疏陷之遂謫衡州尋竄昭州五年得歸復
直龍圖閣病卒高宗贈寶文閣直學士賜謚忠顯表歸
後自闕小圃號曰道鄉故學者稱道鄉先生

秋蠅

秋風快如刀着木木欲折蕃鮮轉凄凄入眼無一悅青蠅
獨何為飛鳴猶未滅造化本無私爾生亦偶竊念方三伏
中日車午停轍下照人世間何異紅爐熱勦鳥倦戢翼得

道鄉詩鈔

010190554150

48-12184

獸喘吐舌惟人於此時體解劇疲茶虛堂幸可逃枕簟隨
意設好睡邊韶同素賴嵇康埒更此值清涼酣寢謂須決
雙睫纔欲交汗膚遭爾醫營營不絕聲宛類讒口啞使我
寢不安欲息還復孳况如一簞食未能萬錢歡園蔬薦脫
粟杯盤殊滅裂雙筋纔欲拈咀嚼遭爾餐適從何處來食
飲汗脩潔使我味不甘欲嚙還復噎毆除付疲兵祇足增
跋躐宜哉孫權彈爲爾情激切期望秋風回一掃無餘孽
偶此延朝昏勿謂風不烈氣候侵凝凜龍蛇且藏穴爾形
大豆然豈能堅如鐵

再酬仲孺

龍團方啓封數子已驚視端如肖壁人騎羊入城肆又如
金谷姿不合樓前墜囊衣本酸寒茶具無一是紛紛詰鄰
家浪欲學擁鼻秋空輒雲雷秘惜乃天意未敢還巾車且
集諸生試豈非今年芽歲月與君異直須如印刑詩驛駢
來使念君才患多落筆有餘思盈編故可期河流幾時泚
君應嘲馬肝不食亦知味

次韻韓君表雪中感懷

龍衣不解顏憂民向來急天高委真符年豐兆原隰連山
水氣昏過雲鴈聲澁先春凌馬奔投隙作塵入瀕竹乍蕭
蕭驚風還汲汲頗輕花鬪狂宥共雨爭濕夜半回曉光木
杪森鵠立開編適吾心鼓枻輟清集一飽儻可償萬事非
所及想見秋稼前腰鎌荷青笠

仲益約遊延慶不至作此戲之

出門無他岐一徑指山麓餘寒弄晴陰浙歷散輕玉我僕

亦賞心我馬亦飛肉回首幕中英文書正拘束

戲督潛亭作春羹

先生家中餘玉粒粉以為餅陪春羹春羹品物謝時味江
流暖泛園中英晴窗對案忽舉首徑走長鬚呼友生襄陽
大夫腹如鼎一著九牛猶未盈摧然放筯即過我自嘆珍
庖逾大烹且言初意亦在我屬我府事留西城先生飯不
飯俗客若苦轉眄相側傾東風雕剝物物好槎頭縮頸尾
不類藥苗蔬甲破土出似與米齊爭功名應憐十載瘦藜
莧為我一除饑腸鳴

潛亭既見和再作此贈之

不作苟見如君平不以禮屈如樊英屢屢堅卧三十載
稟風聲人自傾墻東墻西過高馬往往愧汗面發頰豈知
嗜欲極豺虎白晝擇肉無厭盈有時一飯稔奇禍他年五
鼎還遭烹狡兔未滅黃犬在突兀上蔡空前城先生謝去
既飽德鼓腹之趣終難名更要我輩集匙筯風雨不變如
雞鳴自憐頭額乏奇表幾與齏鹽同此生不愁換手遂傾
覆只愁未至聞憂羨

嘲仲益

春時植蘭甚勤此新東軒遂悉鋤去或者訊
笑則曰子將易竹於此作此戲之

低簷磨茅竹陋如野人居夫子莞爾笑曰此真吾廬庭前
鬱喬水庭後猶榛蕪芟削隨手淨春蘭殖扶疎光影動窗
几馨香襲文書皎然紉佩心邂逅同三閭爾來基構新百
事凌往初突兀煥華屋茅竹掃莫餘雙楠庭之珍斬伐殊
榮枯要知碧油幢特立堂階除念念入勲業不與蓬華俱
蕭瑟不生門安能道誅劔剖翠如剖薪烹鶴如烹魚珠玉

抵飛鳥。鑄鍾委洪爐。逝矣覆轍存。來車猶此涂。尚欲取脩竹。永以娛朝晡。問竹竹無言。冷風一虛徐。

別零陵

零陵距中邦。道阻五千里。我以放逐來。本非心樂只身止。高山巔。忽忽彌半禩。人情及自親。况復多可喜。坐使故鄉念。如火沃之水。罪大不得留。今茲動行李。照州雖嶺南。流寓蓋均耳。儻未還庭闈。在彼猶在此。胡然當作離。耿耿殊不已。物我要兼忘。咄哉從此始。

詠路

赤路如龍蛇。不知幾千丈。禹浚山水間。一下復一上。伊予獨何爲。與之同俯仰。

聞彥和過桂州

人臣難有已。况復顧其家。忘家以徇國。致主爲勛華。割愛非不仁。成功詎能加。御史殿中傑。指摘一作生疵瑕。昔如鵠矯雲。今如兔罹罝。省符到房陵。驅逐殊喧譁。卽日出門去。形影自天涯。羈凰攜衆雛。驚散隨風沙。渺漭失處所。何由書報嘉。君心固已定。聞者空傷嗟。

大雨中接憲使因成小詩呈陽先生

霜風折木雨如傾。斂板泥中廝役并。遙想先生鼓琴罷。觀書正傍短燈檠。

二月十五日朝拜建隆橋上偶作

單衣迎犯曉風清。斗柄回南月尚明。柳密行人看不見。輪蹄相屬但聞聲。

湖上雜詠

荷葉如錢三月時。幅巾藜杖一追隨。爾來勝事知多少。惟有風標公子知。杜牧之以白鷺為風標公子。

何處清風作晚涼。解衣相與面滄浪。青萍紫荇令人恨。遮却琉璃萬頃光。

華亭標格本青雲。邂逅西湖秋復春。作意一聲君會否。鸕鷀鸞集處是真人。

疾病經旬厭藥杯。喜君折簡傍湖來。濃雲幾敗乃翁事。賴有南風為約開。

穰東驛壁間有詩因次其韻

筆響驅馳長眼花。更堪風雨作泥沙。郵亭准擬一醉倒。白酒黃雞無處賒。

早行

朝來由氣銳。前程入馬蹄。天形隨月見。斗柄傍人低。路轉纔繁白。沙平豈辨泥。露零欺鬢髮。犬吠隔蒿藜。恍惚南柯夢。參差逢氏迷。比經十里堠。始報一聲鷄。似脫關中日。如趨圯下蹊。脩真空有術。習懶信無梯。行李幾時北。武當猶在西。誰知貴公子。角枕正清閨。

順陽東山下小池

用西伏牛亭謝公定韻

行盡江山知幾重。山前池沼尚殘紅。塵埃滿眼欣相見。駐馬垂楊夾岸風。

將到均州

武當孤壘插天西。一見都忘渴與饑。倦客惟貪早休歇。不知袍絮未成歸。

入試院呈同事章顯父推官及監試柴承之朝奉

漢江洶洶不知休。江上誰門鼓角秋。匹馬崎嶇隨國事。同心邂逅得儒流。何妨蟋蟀林頭急。况是芭蕉雨脚收。別業
端容共蕭散。從今相與傲浮丘。

鄰家集射

牆東金鼓不停聲。知是將軍奕世孫。莫浪鳴弓向飛鷹。一
年一度到中原。

雨中

五月沉陰久不開。冷風吹雨滿天街。老農且莫愁蠶麥。丞
相祈晴已宿齋。

謝潛亨惠芸香紫桃

暑窗已覺書生壽。饑腹還驚雨後雷。珍重先生解人意。芸
香桃實一時來。

聞存之遊京師且郵報達官有薦之者

昨來不肖聽朝雞。乞得真宮即日歸。老衲蒲團閑共倚。少
師玉麈醉同揮。誰知捷徑高山在。未覺心馳魏闕非。綠鴨
陂中釣竿手。只應從此叩黃扉。存之曾有詩云。從來釣竿
不解叩黃扉。

仁老寄墨梅

前年謫向新州去。嶺上寒梅正作花。今日霜縑玩標格。宛
然風外數枝斜。

懷何伯震

我別家時君在牀。後來南北兩相忘。直饒伏枕到新歲也。
勝投身居瘴鄉。孤節未嘗交世俗。清貧何以度星霜。皇天
默相誰窺得。看取他年吾道光。

懷張晉卿

年少東鄰新親家。奮然鱗鬣脫泥沙。傳聞昨者數時弊。想見邇來雙鬢華。局上光陰聊鬪馬。盆中意氣莫生蛇。江鱸已過河鮪出。准擬從君烹荻芽。

又得敷文書

一封黃勅下天關。嶺表湖南釋舊跽。吏部回頭真可笑。拾遺作伴竟同還。張公洞裏花流水。揚子江邊雪滿山。更約居多暇日。相從莫遣鬢毛斑。

送王裘仲侍親赴闕

榻初相得膏車忽起行。秋風無限事。春酒不勝情。原憲何曾病。丘明竟有聲。從容湖上。成。

淮海集鈔

廿九

秦觀字少游一字太虛揚州高郵人豪雋慷慨溢於文詞舉進士不中盛氣好奇讀兵家書見蘇軾於徐爲黃櫻賦軾以爲有屈宋才介其詩於王安石亦謂清新如鮑謝軾勉以應舉爲親養始登第筮仕元祐初軾以賢良方正薦於朝除秘書正字兼國史院編脩官日有研墨器幣之賜紹聖初坐黨籍出判杭州以增損實錄貶監處州酒稅使者承風旨伺過失無所得則以謁告寫佛書爲罪削秩編管橫州徙雷州徽宗放還至藤州出遊華光亭爲客道夢中長短句索水飲笑視水而卒朱子謂樂詩合下得句便巧呂居仁云少游過嶺後詩嚴重高古自成一家故當時於蘇門並稱秦晁晁以氣勝

則灑行而新崛秦以韻勝則追琢而淳泓要其體格在伯仲而冕爲雄大矣

泊吳興觀音院

金刹負城闌。閭然美栖止。卞山直穹窿。茗水相依倚。霜檜鬱冥冥。海棕鮮嶷嶷。廣除庇夏陰。飛棟明朝晷。溪光鳧鷖邊。天色菰蒲裏。緒風傳晝焚。壁月窺夜禮。洩雲葦層空。規荷鑑幽泚。餘艸煙際下。鍾磬林端起。聲牙戲清澗。嗽峯撲空紫。所遇信悠然。此生如寄耳。志士耻溝瀆。征夫念桑梓。攬衣軒楹間。歎歌何窮已。

田居四首

鷄號四鄰起。結束赴中原。戒婦預爲黍。呼兒隨掩門。犁鉏帶晨景。道路更笑喧。宿潦濯芒屨。野芳簪髻根。霽色披宵

靄。春空正鮮繁。辛夷茂橫車。錦雉嬌空圓。少壯已雲趨。於傳尚鴟蹲。蟹黃經雨潤。野馬從風奔。村落次第集。隔牆數寒暄。春言月占好。努力競晨昏。

入夏桑柘稠。陰陰翳虛落。新麥已登場。餘蠶猶占箔。隆曠破曾陰。霽靄收遠豁。雌蜺卧淪漪。鮮鷗泛藁薄。林深鳥更鳴。水漫魚知樂。靡老厭煩歎。解衣屢盤礴。陰樹濯涼颺。起行遺帶索。家婦餉初還。丁男耘有託。倒筒備青錢。鹽茗恐垂膏。明日輸絹租。鄰兒入城郭。

昔我蒔青秧。廉纖屬梅雨。及茲欲成穗。已復頽星暑。遲暮易昏晨。搖落多砧杵。村迥少過從。客來旋炊黍。典發卽杖屨。未嘗先處所。褰裳涉淺瀨。矯首沒孤羽。藜祠土鼓悲。野埭鷓鴣舞。雉子隨販夫。老翁拜巫女。辛勤一作難稼穡事。懶

捨田疇語得穀不敢儲催科吏傍午

嚴冬百草枯鄰曲富休眠止井時一汲柴車久停駕寥寥

場圃空跼跼鳥下孤榜傍橫塘喧春起旁舍田家重農

隙翁姬相邀迓班坐釀酒醪一行三四謝陶盤奉旨蓄竹

筋羞雞多飲酣更獻酬語闕或悲咤悠悠燈火暗刺刺風

颺射客散靜柴門星蟾耿寒夜富擬作當

寄題傅欽之草堂

河陽有狀流經營太行根盛德不終晦發為清濟源斯堂
濟源上太行正當門仰視浮雲作俯窺流水奔脩竹帶蕭
籬百禽鳴朝曦相望有盤谷李愿故居存主人國之老實
惟商巖孫班行昔供奉亟進逆耳言天子色為動羣公聲
亦吞蕭條冰霜際不改白玉温出處士所重其微難具論

公勿思于堂朝廷待公尊

次韻邢敦夫秋懷十首

以微雲淡河漢疎雨滴梧桐為韻

驅車陟高丘却望大梁圻馳道入雙闕勾陳連太微夷門

壯下屬清洛相因依美哉吾黨士臯高良可希

暮有二客至俱以能禪聞一枝惠林出一派智海分言各

不相可往來劇絲棼謝客姑舍是妨余醉看雲

昔者曾中書門戶實難瞰筆勢如長淮初源可觴濫經營

終入海欲語焉能暫斯人今則亡悲歌風慘愴

渤海有巨鼇其顛冠峩峩宿昔常小井八絃相盪摩忽遭

龍伯人一舉空潮波取皮煎作膠清此崑崙河

蝮蛇初螫手壯士斷其腕豈不悲毀傷所卹在軀榦西羗

沙鹵地置戍或煩漢雞肋不足云阿瞞妙息算

湯湯辟靡流。中有學子居。但說若稽古。言猶三萬餘。來者
轉相祖。詞林日凋疎。稍喜續溪令。入校天祿書。
匠氏構明堂。百材入斤斧。儻非豫章棟。冗長亦焉取。英英
范與蘇。器識兼文武。胡爲先一州。不用作霖雨。
懷彼高句麗。來脩裔夷職。天都富如海。勞汝送涓滴。軸臚
尾相銜。遠近困供億。止沸當絕薪。揚湯百無益。
祖宗舉賢良。充富多名儒。執事惡言者。此科爲之無。雖有
仲舒錯。或橫江潭魚。果欲鳴鳳至。還當種椅梧。
邢侯秋臥病。揮毫見淡衷。賡者二三子。翕然笙磬同。不爲
兒女姿。頗形四方風。屬世山水念。因之絲與桐。

春日雜興十首

飄忽星氣徂。青陽迫遲暮。鳴飛各有適。赤白紛無數。雨砌

墮危芳。風軒納飛絮。寒帷香霧橫。岸幘雲峰度。林影舞窈
扉。池光染衣履。參差花鳥期。蹭蹬琴觴趣。撫事動幽尋。感
時遺近慕。秣馬膏余車。行行不周路。

結髮謝外好。僂俛希前修。終挾江海志。耻爲升斗謀。齷齪
難刻畫。賤貧多釁尤。發軔背伊闕。解鞵憩邗溝。丹鉛費永
晷。麴蘖毆深愁。壁月鑿簾櫳。珠星絡梧楸。泯泯渠水駛。霏
霏花霧浮。公子悵何許。撫膺徒離憂。

潭潭故邑井。猗猗上宮蘭。不食自清潔。莫服更幽艱。志士
耻弱植。卷跡甘飢寒。佳晨追長觀。觸物懸悲端。川途眇回
遠。經歲曠音翰。豈不慕裘馬。詭得非所安。蟬冕多林迫。繩
樞藹憂患。枉尋竟何補。方枘誠獨難。

吳會雖褊小。海濱富奇峰。天雞一號叫。劍戟明遙空。谿谷

相徑復。溪林杳攬叢。猿吟虎豹啼。雲氣迷西東。中有避世士。超然閱孤蹤。被蘭服明月。起坐松聲中。夜銀吸沆瀣。朝琴庇青葱。騎星友元氣。東許安可同。俛眎區中人。飛埃集毛鋒。問津或不繆。從子遊鴻蒙。

東方有美人。容華茂春粲。抱影守軍樓。含睇理哀彈。聲意一何切。所歡邀雲漢。徒然事膏沐。孰與徂昏旦。微誠浪自持。嘉月忽復晏。巧轉度虛樞。飛紅觸幽幔。歲歲芳草滋。夜夜明星爛。合并會有時。索居不必歎。

寢瘵倦文史。駕言從遨嬉。颶風舉遙淑。規日麗清漪。含桃粲朱實。杜若懷碧滋。娉娉弱絮墮。囹圄文魴馳。明霞廓遠矚。哀禽攬離思。莓草天際合。孤雲川上移。寬閒絕輪鞅。重復多路歧。信美難久佇。歸歟從所治。

昔我遊京室。交通五陵間。主客各英妙。袍馬相追攀。千金具飲。聚百金。顧吹彈。纓升羅廣席。當頭舞交竿。鮮粧耀淥酒。采纈生風瀾。燈燭暗夜艾。士女紛相班。歡娛易徂歇。轉盼如飛翰。疊疊負孤願。離離銜永歡。山鳥窺茗飲。簷花笑蔬殮。棄捐勿重陳。事定須蓋棺。

客從遠方來。遣我昭華管。吹之動人心。異境生虛窅。礧礧青嶂橫。泱泱春溜漸。馬蹄交狹邪。車轂錯平坦。士女競芳辰。禽魚蔭修竿。依微認睇笑。淩沒見纖短。停吹歛淚。沈沈耽復空。節靈物信所珍。顧恨知音罕。

桃李用事辰。鮮明奪雲綺。繁華一朝去。默默慚杞梓。時徂鷹化鳩。地遷橘爲枳。獨有美門生。後天猶不死。猶一作。藝籍燔祖龍。斯文就淪喪。帝矜黔首愚。諸雋一作出相寶。

楊馬操宏綱。韓柳激頽浪。建安妙謳吟。風槩亦超放。玉繩帶華月。艷艷青冥上。奕世希末光。經緯得無妄。見曹獨何事。詆斥幾覆醬。原心良自誣。猥欲私所尚。螳螂拒飛轍。精衛填溟漲。咄咄徒爾爲。車海固無恙。鶴鸞日彫滅。黃口紛冗長。投袂睇層霄。茲懷誰與亮。

同子瞻端午日遊諸寺賦得深字

太史抱孤韻。暢懷在登臨。別乘懸鄒枚。佳辰事幽尋。參差水石瘦。窈窕房櫳深。清繁發疎笳。妙香橫素襟。復登翠堵坡。環回矚嶽峯。雙溪貫城郭。暝色帶孤禽。涼颺動爽籟。薄雨生微陰。塵想澹清漣。平愁洗芳樹。揮筆訂往古。援毫示來今。悔無刻蠟敏。續此金玉音。

寄陳季常

一鉤五十犛。始具任公釣。揭竿趣灌瀆。與爾不同調。先生本西蜀。俠氣見英妙。哀憐世間兒。細黠似黃鵠。侍童雙擢玉。鬢髮光可照。駿馬錦障泥。相隨窮海嶠。平生攜手好。十七登廊廟。小生相吏耶。徒枉尺書召。暮年更折節。學佛得心要。鸞馬放阿樊。幅巾對沉燎。冷冷屋外泉。兀兀原頭燒。欲知山中樂。萬古同一笑。

送少章弟赴仁和主簿

我宗本江南。爲將門列戟。中葉徙淮海。不仕但潛德。先祖實起家。先君始逢掖。議郎爲名士。余亦忝詞客。風流以及汝。三通桂堂藉。汝弱不好弄。文章有新格。久從先生遊。術業良未測。武林一都會。山水富南國。下有賢別駕。上有明方伯。手將入砥礪。腰裏就銜勒。勿矜孔鸞姿。不樂棲枳棘。

吳中多高士。往往寄老癯。辯才雖物化。參寥猶夙昔。投閒
數訪之。可得三友益。少來輕別離。老去重乖隔。念汝遠行
役。惘惘意不釋。道山雖云佳。久寓有飢色。功名已絕意。政
苦婚嫁迫。終從大夫議。稅駕那溝側。追蹤漢兩疎。父子老
阡陌。

送李端叔從辟中山

人畏朔風聲。我聞獨寬懷。豈不知凜冽。爲自中山來。端叔
天下士。淹留蹇無成。去從中山辟。良亦慰平生。與君英妙
時。俠氣上參天。孰云行半百。身世各茫然。當時兒戲念。今
日已灰死。著書如結瘡。聊以忘憂耳。駸駸歲道盡。淮海歸
無期。功名良獨難。雖成定奚爲。念君遠行役。中夜憂反側。
攬衣起成章。贈以當馬策。

次韻夏侯太冲秀才

儒官飽閒散。室若僧房靜。北窓腹便便。支枕看斗柄。或時
得名酒。停午猶中聖。醒來復何事。秉筆賦秋興。焉知懶是
真。但覺貧非病。茫茫流水意。會有知音聽。鐘鼎與山林。人
生各天性。

雷陽書事三首

路越風俗殊。有疾皆勿藥。束帶趨祀房。瞽史巫紛若。絃歌
薦蘭栗。奴主洽觴酌。呻吟殊未央。更把雞骨灼。
一笛一腰鼓。鳴聲甚悲涼。借問此何爲。居人朝送殤。出郭
披莽蒼。磨刀向猪羊。何須作佳事。鬼去百無殃。
舊傳日南郡。野女出成羣。此去尚應遠。東門已如雲。蚩氓
託絲布。相就通慇懃。可憐秋胡子。不遇卓文君。

海康書事十首

白髮坐鉤黨。南遷海瀕州。灌園以餬口。身自雜蒼頭。籬落
秋暑中。碧花蔓牽牛。誰知把鉏人。舊日東陵侯。
荔子無幾何。黃柑遽如許。遷臣不惜日。恣意移寒暑。層東
俯雲木。信美非吾土。草芳自有時。鴨鵝何關汝。
卜居近流水。小巢依欽岑。終日數椽間。但聞鳥遺音。鑪香
入幽夢。海月明孤剡。鷓鴣一枝足。所恨非故林。
培塿無松柏。駕言出焉遊。讀書與意會。却掃可忘憂。尺蠖
以時謝。其信亦非求。得歸良不惡。未歸且淹留。
粵女市無常。所至輒成區。一日三四遷。處處售鰓魚。青裙
脚不襪。臭味猿與狙。孰云風土惡。白州生綠珠。
海康臘已酉。不論冬孟仲。殺牛搗祭鼓。城郭為沸動。雖非

堯曆。我自先人用。大笑荆楚人。嘉平獵雲夢。
粲粲菴摩勒。作湯美無有。上客賦驪駒。玉奩開素手。那知
蒼梧野。棄置同芻狗。荆山玉抵鵲。此事繇來久。
裔上桑柘稀。蠶月不紡績。吳綃與魯縞。取具網船客。一朝
南風發。家室相咻迫。半賈鬻我藏。倍稱還君息。
一雨復一暘。蒼茫颶風發。怒號兼晝夜。山海為顛蹶。云何
大塊噫。乃爾不可遏。黎明眾竅虛。白日麗空濶。
合浦古珠池。一熟胎如山。試問池邊蟹。云今累年閒。豈無
明月珍。轉徙溟渤間。何關二千石。時至自當還。

馬上口占二首

向晨結束事長途。利風括面冰在鬚。岡窮得水馬不進。霧
暗失道人相呼。悠悠旁舍見汲井。軋軋隔林聞輓車。遊目

騁懷自可樂。勿憶鄉縣增煩紆。
霜風稜稜萬木枯。梅花破萼猶含鬚。田家往往事遊獵。追
逐狐兔相號呼。微茫山中起狂燒。隱約林梢低日車。馬頭
漸覺有佳趣。勿厭阡陌多繁紆。

和黃法曹憶建溪梅花同參寥賦

海陵參軍不枯槁。醉憶梅花愁絕倒。為憐一樹傍寒溪。花
水多情自相惱。清淚班班知有恨。恨春相逢苦不早。甘心
結子待君來。洗雨梳風為誰好。誰云廣平心似鐵。不惜珠
璣與揮掃。月沒參橫畫角哀。暗香銷盡令人老。天分四時
不相貸。孤芳轉盼同衰草。要須健步遠移歸。亂插繁華向
晴昊。

題駃騠圖

雙瞳夾鏡權協月。尾鬣蕭森澤於髮。鞍衝不施韁復脫。旁
無馭者氣騰越。地如砥平丘隴滅。天寒日暮抱飢渴。驥首
號鳴息一發。超軼絕塵入恍惚。東門金鑄久銷歇。曹霸丹
青亦云沒。賴有龍眠戲揮筆。眼前時見千里骨。玉臺閭闔
相因依。嗟爾龍媒空自奇。鸞旗日行三十里。焉用逐風追
電為。

以尊薑法魚糟蟹寄子瞻

鮮鯽經年漬醅醪。團臍紫蟹脂填腹。後春蓴苗滑於酥。先
社薑芽肥勝肉。鳧卵纒纒何足道。飢餒盤殮亦時欲。淮南
風俗事瓶罍。方法相傳為旨蓄。魚鱗蜃醢薦籩豆。山簌溪
毛例蒙錄。輒送行庖當擊鮮。澤居儻禮無麋鹿。

輦下春晴

樓闕過朝雨。參差動霽光。衣冠紛禁路。雲氣繞官牆。亂絮
迷春濶。鶯花困日長。經旬牽酒伴。猶未獻長揚。

睡起

睡起東軒下。悠悠春緒長。爬搔失幽嘯。欵欠墮危芳。蛛網
留晴絮。蜂房受晚香。欲尋初斷夢。雲霧已冥茫。

對淮南詔獄

淮海行搖落。文書亦罷休。風霜欺獨宿。燈火伴冥搜。笳動
朱樓曉。參橫粉堞秋。更拚飛鏡破。應得大刀頭。

次韻答米元章

嗜好清無滓。周旋粲有文。揮毫春在手。岸帻海生雲。花鳥
空撩我。尊鱸正屬君。惟應讀雌蜺。羞不愧王筠。

宿參寥房

鄉國秋行暮。房櫳日已曛。驚風多犯竹。破月不藏星。劍箔
簷花動。抄書燭燼零。非關相見喜。自是眼長青。

次韻傳道自適兼呈都司芸叟學士

楚國陳夫子。周南頗滯留。弊袍披槁葉。瘦馬兀扁舟。藥餌
過三伏。文書散百憂。何人共禪悅。居士有浮休。

遊龍門山次程公韻

路轉橫塘入亂峰。遍尋蕭酒興無窮。樓臺特起喧卑外。村
落隨生指點中。溪傍五雲清逗玉。松分八面翠成宮。歸途
父老欣相語。今日程公昔謝公。

遊龍瑞宮次程公韻

靈祠真館闕山隈。形勢相高對越臺。筍徑翠依屏上轉。藕
花紅繞鑑中開。鶴啣寶箭排煙去。龍護金書帶雨來。夾道

高星攢騎火。滿城爭看使君回。

次韻朱李二君見寄二首

東阡北陌空淹時。偶爲高風振羽儀。十丈蓮花開處遠。三年楮葉刻成遲。鬢毛但速安仁老。錢粟難輸曼倩飢。尚賴故人遙省憶。發揮春色有新詩。
萬古流空一鳥沈。衣冠常苦事違心。七行俱下知君舊。四者難并笑我今。梅已偷春成國色。雲猶憑臘造天陰。美人綠綺煩遙贈。莫致南金增永吟。

寄題倪敦復北軒

倪郎才韻照冰壺。北向開軒頗自娛。簷度蕙風鳴鵙鵝。壁經梅雨畫蟭螭。觥籌交錯銀河挂。文史縱橫角簟鋪。官舍私居同是漫。莫嗟三徑就荒蕪。

次韻子由題平山堂

棟宇高開古寺間。盡收佳處入雕欄。山浮海上青螺遠。天轉江南碧樹寬。雨檻幽花滋淺淚。風巵清酒漲微瀾。遊人若論登臨美。須作淮東第一觀。

次韻子由題摘星亭

迷樓舊址

崑崙左右兩招提。中起孤高雉堞西。不見燒香成宿霧。虛傳裁錦作障泥。螢流花苑飛暈亂。蕪滿春城綠髮齊。長憶凭欄風雨後。斷虹明處海天低。

次韻子瞻贈金山寶覺大師

冥峰一變隔炎涼。猶喜重來飯積香。宿舄水干迎曉鬧。亂帆天際受風忙。青鞋踏雨尋幽徑。朱火籠紗語上方。珍重故人敦妙契。自憐身世兩微茫。

遊鑑湖

畫舫珠簾出鏡牆。天風吹到芰荷鄉。水光入座杯盤瑩。花
氣侵人笑語香。翡翠側身窺綠酒。蜻蜓偷眼避紅粧。葡萄
力緩單衣怯。始信湖中五月涼。

春日寓直有懷參寥

觚稜金爵自岩巖。藏室春深更寂寥。捫蝨幽花歆露葉。岸
巾高柳轉風條。文書几上鬢髯變。鞍馬塵中歲月銷。何日
一筇江海上。與君徐步看生潮。

顯之禪老許以草菴見處作詩以約之

椽桷岡頭釋馬徭。區中奇觀得窮探。崖空飛鼠聲相應。江
靜羣峰影倒涵。居士碧雲裁秀句。道人哀玉扣清潭。偶成
二老風流事。不是三乘宿草庵。

和孫莘老遊龍洞

葦蕭傳火度冥冥。乍入清都醉魄醒。草隱月崖垂鳳尾。風
生陰穴帶龍腥。壁間泉貯千鍾碧。門外天橫數尺青。更欲
仗筇留頃刻。却疑朝市已千齡。

西城宴集元祐七年三月上巳詔賜館閣官花酒以

中澣日遊金明池瓊林院又會於國夫人園會者

二十有六人二首

春溜泱泱初滿池。晨光欲轉萬年枝。樓臺四望煙雲合。簾
幕千家錦繡垂。風過忽聞花外笑。日長時奏水中嬉。太平
誰謂全無象。寓在羣仙把酒時。次王敏中少監韻

宜秋門外喜參尋。豪竹哀絲發妙音。金爵日邊棲壯麗。彩
虹天際卧清深。已煩逸少書陳迹。更屬相如賦上林。猶恨

真人足官府。不如魚鳥自飛沈。次王仲至侍郎韻

寄新息王令藏春塢

令尹才高寺爲空。歲時行樂與民同。旋開小塢藏春色。更製新聲寫土風。客向樽前忘爾汝。路穿花去失西東。無言媿女今焉在。桃李相傳恨未窮。

寄題趙侯澄碧軒

風流公子四難并。更引清漪作小亭。潤及玉階春漲雨。光浮藻井夜涵星。捲簾几硯成圖畫。倚檻鬚鬟入鏡屏。何日解衣容借榻。臥聽螭口瀉泠泠。

寄張文潛右史

解手亭臯纔幾月。春風已復動林塘。稍遷右史公何忝。初閱除書國爲征。日出想驚儒發冢。風行應罷女爭桑。東坡

手種千株柳。聞說邦人比召棠。

次韻太守向公登樓眺望二首

茫茫汝水抱城根。野色偷春入燒痕。一點湘妃枝上淚。一聲杜宇水邊魂。遙憐鴻隙陂穿路。尚想元和賊負恩。粉堞女牆都已盡。恍如陶侃夢天門。

庖煙起處認孤村。天色清寒不見痕。車網湖邊梅濺淚。壺公祠畔月銷魂。封疆盡是春秋國。廟食多懷將相恩。試問李斯長嘆後。誰牽黃犬出東門。

寄錢節

時節出爲揚州從事新錄兼簡參寥

論月柴門不浪開。命車良爲故人來。茫然極目春千里。尚想愁腸日九迴。綠水池邊聊復爾。黃梁枕上信悠哉。何時共約參寥子。自擷菁菁作飯材。

贈劉使君景文

落落衣冠八尺雄。魚符新賜大河東。穰苴兵法由司馬。曹植詩原出國風。拈筆古心生篆刻。引觴俠氣上雲空。石渠病客君應笑。手校黃書兩鬢蓬。

答龔溪之

深巷茅簷日漸長。卧看花鳥競朝陽。惜無好事攜樽酒。賴有鄰家振燭光。尚友頗存書萬卷。封侯正闕木千章。錯刀錦段相仍至。小子都忘進取狂。

答曾存之

環堵蕭然汝水隈。孤懷炯炯向誰開。青春不覺書邊過。白髮無端鏡上來。祭竈請鄰聊復爾。賣刀買犢豈難哉。故人休說封侯事。歸釣江天有舊臺。

次韻裴仲謨和何先輩

汝南古郡寡參尋。兀兀長如鶴在陰。支枕星河橫醉後。入簾風絮報春深。青山未落詩人手。白髮誰知國士心。多謝名郎傳綠綺。愧無佳句比南金。

次韻劉遜父以寧齋詩二軸作以還之

揚舲偶過海邊州。一見名郎破百憂。荀氏諸龍俱俊偉。河東小鳳最風流。明珠自壁堪投報。細草幽花入獻酬。別駕舊齋何足念。文昌新府待公遊。

次韻宋履中近謁大慶退食館中

翠華初到殿中間。三館諸儒共一班。迎謁曉廷清蹕近。退身春仗綠蒲閒。病來怕飲東西玉。老去慚陪大小山。知續春明退朝錄。借觀當奉一鷗還。

與鄧慎思沐於啓聖遇李端叔

羸兵瘦馬犯黃塵。自笑區區度裏身。不是對花能伏老。自緣無酒可澆春。校書天祿陪羣彦。晞髮陽阿遇故人。三百六旬如此少。更添香火坐逡巡。

會蓬萊閣

冠裳蓋坐灑清風。軒外時聞韻籟籠。人面春生紅玉液。銀盤煙覆紫駝峰。天涵秋色山山共。樹攬鄉思葉葉重。更欲買船江北去。爲懷明德更從容。

與李端叔遊智海用前韻

點目誰能化兩龍。超然相見古人風。紅塵稍與僧家遠。白髮偏於我輩公。休計浮名千載後。且欣湯餅一杯同。何時並築邦溝上。引水澆花半畝宮。

九月八日夜大風雨寄王定國

長年身外事都捐。節物驚心一悵然。正是山川秋入夢。可堪風雨夜連天。桐梢撼撼增悽斷。燈燼飛飛落小圓。湔洗此情須痛飲。明朝試就酒中仙。

寧浦書事六首

揮汗讀書不已。人皆怪我何求。我豈更求榮達。日長聊以銷憂。

魚稻有如淮右。溪山宛類江南。自是遷臣多病。非干此地煙嵐。

南土四時盡熱。愁人日夜俱長。安得此身如石。一齊忘了家鄉。

洛邑太師奄謝。龍川僕射云亡。他日巋然獨在。不知誰似

靈光。

身與杖藜爲二。對月和影成三。骨肉未知消息。人生到此何堪。

寒暑更拼三十。同歸滅盡無疑。縱復玉關生入。何殊死葬。

泗州東城晚望

渺渺孤城白水環。舳舻人語夕霏間。林梢一抹青如畫。應是淮流轉處山。

次韻參參見別

爐香冉冉紆寒穗。篝火熒熒擢夜芒。預想江天回首處。雪風橫急雁聲長。

春日五首

幅巾投曉入西園。春動林塘物物鮮。却憩小亭纔日出。海棠花發麝香眠。

一夕輕雷落萬絲。霽光浮瓦碧參差。有情芍藥含春淚。無力薔薇臥曉枝。

袂衣新著倦琴書。散策池塘返照初。翠碧黃鸝相續去。蒼絲深處見遊魚。

春禽葉底引圓吭。臨罷黃庭日正長。滿院柳花寒食後。旋鑽新火熱爐香。

金屋舊題煩乙子。蜜脾新採賴蜂臣。蜻蜓蛺蝶無情思。隨例顛忙過一春。

秋日三首

霜落邛溝積水清。寒星無數傍船明。菰蒲深處疑無地。忽

有人家笑語聲。
月團新碾滄花羹。飲罷呼兒課楚詞。風定小軒無落葉。青
蟲相對吐秋絲。
連卷雌蜺挂西樓。逐雨追晴意未休。安得萬粧相向舞。酒
酣聊把作纏頭。

春日偶題呈錢尚書

三年京國鬢如絲。又見新花發故枝。日典春衣非爲酒。家
貧食粥已多時。

題柳陽道中古寺壁二絕

門掩荒寒僧未歸。蕭蕭庭菊兩三枝。行人到此無腸斷。問
爾黃花知不知。

哀歌巫女隔祠叢。飢鼠相追壞壁中。北客念家渾不睡。荒

山一夜雨吹風

幽眠

幽眠起常晚。冬晷復不長。中間數十刻。倏如驚燕翔。晨食
粗云畢。申鼓鳴相望。忽忽竟何就。念之動中腸。天地一逆
旅。死生猶轉商。暫來旋云去。遲速乃所常。較計亦何補。徒
然費慨慷。不知聽兩行。一槩付酒觴。北風吹老槐。白日轉
紙窗。布衾一覺睡。身世成渺茫。宿莽冬不衰。蘭茝幽更芳。
無庸傷局促。速此鬢髮霜。

隕星石

蕭然古丘上。有石傳隕星。胡爲霄漢間。墜地成此精。雖有
堅白姿。塊然誰汝靈。犬眠牛礪角。終日蒙羶腥。疇昔同列
者。到今司賞刑。森然事芒角。次第羅空青。俛仰一氣中。萬

化無常經。安知風雲會不復歸青冥。

山陽阻淺

一日行一尺。十日行一丈。豈不歎淹留。所幸無波浪。悲風動深夜。原野眇森爽。青天行蟾蜍。枯水轉魍魎。此時蓬荜下。去心劇於瘡。棄置勿復論。通塞如反掌。

次韻參寥老

迅風薄高林。萬象號虎豹。紛披枳與棘。爾復鼓狂鬧。我垣既已頽。我棟又以撓。豈無一木支。橫力難與較。黎明忽自罷。晴日射魚罩。死水火狂瀾。衰木回故貌。勞生真夢事。往趨如睡覺。炊黍焚黃鵠。吾其理歸棹。

送洪景之循州參軍

寒梅不自重。輒花桃李先。矯枉有佳菊。最後衆芳妍。各因一時美。難以相嗤憐。物理固若是。士林亦宜然。夫子南國俊。聲猷推妙年。數奇晚方偶。參軍古龍川。龍川雖云遠。風物號清鮮。羅浮不相下。頽顏嚙荒天。雲鬢二三子。聊足奉周旋。行矣試老拳。歸歟遠翔騫。

茶

茶實嘉木英。其香乃天育。芳不愧杜蘅。清堪揜椒菊。上客集堂葵。圓月探奩盞。玉鼎注漫流。金碾響杖竹。侵尋發美啗。倚狔生乳粟。經時不銷歇。衣袂帶紛郁。幸蒙巾笥藏。苦厭龍蘭續。願君斥異類。使我全芬馥。

贈張潛道

張生何爲者。落魄不自拘。獨攜三尺琴。笑別妻與孀。一來泊吾里。忽已月再虛。朝遊故人館。暮止佛子廬。雖無食羹

餘所樂常晏如。我欲有所進。生聞勿煩紆。君子間有道。不
專塊然居。無道祗淺適。鳴戲亦已愚。願生脫塵鞅。從我滄
海隅。

秋夜病起懷端叔作詩寄之

寢瘵當老秋。入夜庭軒空。天光脆如洗。月色清無縫。風颭
戾戾輕。露氣霏霏重。簷花伴徐步。籠燭窺孤諷。緬惟情所
親。佳辰誰與共。夫子淮海英。材大難爲用。秉心既絕俗。發
語自驚衆。麈尾扣球琳。筆端攢蟬蛻。雄凌迫楊馬。妙麗該
沈宋。浮沉任朝野。魚鳥狎鯤鳳。與時真楚越。於我實伯仲。
爾來居邑鄰。頗便書札貢。上憑鴻雁傳。下託鯉魚送。二物
或愆時。已辱移文訟。人生無根柢。泛若凌波荇。昧者復汲
及。晨暝趨一闕。陰持含沙毒。射影期必中。自匿嫫母容。對
客施錦幘。溘然一朝逝。萬事俱成夢。形骸猶汝辭。勢利猶
君動。息之可太息。傷之爲長慟。所以古達人。脫身事高縱。
我生尤不敏。習腹常空洞。彊顏入規模。垂耳受羈鞅。行謀
買竿棹。名理就折衷。但恐狂接輿。煩君更嘲弄。

送孫誠之尉北海

吾鄉如覆孟。地據揚楚脊。環以萬頃湖。黏天四無壁。蜿蜒
戲神珠。正晝飛霹靂。草木無異姿。靈氣殊鬱積。所以生羣
材。各抱荆山璧。小爲百夫防。大爲萬人敵。夫子少邁倫。喑
鳴阻金石。奏賦明光宮。玉座瞻咫尺。翻身墮雲霄。十載迫
窮厄。焚舟更一戰。得尉滄海北。五月乘畫船。簫鼓事遠適。
天橫齊山青。雨帶楚水黑。勿云晚方仕。四十乃古昔。勿云
名位卑。九萬自此擊。幽求尉朝邑。髣髴森已白。元振尉通

泉律令非所卽。一朝會風雲。開文

秋興擬韓退之

道遙北窗下。百事遠客慮。無端葉間蟬。催促時節去。愁起如亂絲。管經不知緒。日月豈得已。還復役朝暮。人生均有得。悲歎我不悟。春秋自天時。感憤亦真趣。

擬孟郊

曉風有暴信。暮蟬無好聲。曉風與暮蟬。自與時節爭。獨客辭故鄉。推車謁梁城。梁城道迢遞。區區役吾生。不如歸舊山。藜藿安性情。

擬韋應物

坐投林下石。秋聲出疎林。林間鳥驚棲。豈獨傷客心。物亦有代謝。此理其古今。鄰父縮新醪。林下邀同斟。癡兒踏吳歌。姪姪足訛音。日落相攜手。涼風快虛襟。

宿金山

山南山北江水流。半空金碧隨雲浮。我來仍值風日好。十月未寒如晚秋。山僧引客尋蒼翠。歷卷參差到平地。萬里風來拂骨清。却憶人間如夢寐。夜渡無風月入扉。相對老人如槁枝。流水與天爭入海。其笑此心誰得知。下山却向中冷望。番憶當時在屏障。老母思兒且欲歸。回首雲峰已天上。

李端叔見寄次韻

君文豪膽無與儔。使我吟諷忘離憂。浩如沅湘起陽侯。翻身轉日吞數州。華章藻句饒風力。頃刻朱紅迷畛域。一班縱復為管窺。萬派終難以之測。區區文墨倦高情。解鞅還

遊恍惚庭。半槽新水六尺簾。卧視雲物行空青。伊我籃輿
抵京縣。溽暑黃埃負初願。君家只在御城東。彌月不能三
兩見。求仙未若醉中真。蟻鬪蛾飛愁殺人。清都夢斷理歸
棹。回首一樹瓊枝新。歸來草木春風換。世事蝟毛那可算。
幸謝故人頻寄書。莫笑元郎自呼漫。

陳令舉妙奴詩

西湖水滑多嬌嬈。妙奴十二正芬芳。肌膚暫白髮脚長。含
語未發先有香。溪上夜燕侍簪裳。皎如華月墮滄浪。音聲
入雲能斷腸。不許北客辭酒漿。主人藹藹邦之良。少年射
策謁未央。俊詞偉氣森開張。玉杓貫斗生怒芒。天欲文采
老更昌。故使斂翮窺羣翔。五十僅補尚書郎。浩歌騎牛倚
徜徉。東風戲雨花草狂。二溪泱泱青黛光。妙奴勿倦侑羽
觴。主人正欲遊醉鄉。

還自湯泉十四韻

歲晚倦城郭。聯驂度業峩。天黃雲脚亂。村黑鳥翎訛。潦水
侵生路。晴天落漫坡。澄江練不卷。溫井鑑新磨。漁火分星
遠。沙鷗散點多。霸祠題玉筍。龍窟受金波。琬琰存吳事。兒
童記楚歌。孤龕瘦居士。雙塔老頭陀。飛鼠鳴深穴。胡蜂結
巧窠。晚參圓白足。昏梵禮青螺。雲馭沉荒甃。仙春沒淺莎。
杖藜從莫逆。談笑入無何。滲澹日連霧。蕭騷風轉阿。華清
俄夢斷。回首失煙蘿。

辯才法師嘗以詩見寄。繼聞示寂。追次其韻。

遙聞隻屨去翛然。詩翰纔收數月前。江海盡頭人滅度。亂
山深處塔孤圓。憶登夜閣天連雁。同看秋崖月破烟。尚有

衆生未成佛。有超欲界入諸禪。

次韻公關卽席見寄

與君鄰並共煙霞。乘興時時過我家。更漏一新聞曉角。門
闌數級看秋花。湖山對值全如買。風月相期不用賒。賴有
醉毫吟更苦。他年分作句圖誇。

秋興擬杜牧之

鼓鼙夜戰北窓風。霜葉鋪堦疊亂紅。一段新愁驚枕上。幾
聲悲雁落雲中。眼前時節看馳馬。日下生涯寄斷蓬。弟妹
別來勞夢寐。杳無消息過江東。

秋興擬白樂天

不因霜葉辭林去。的當山翁未覺秋。北里酒錢煩屢索。南
州詩債懶頻酬。欲歌金縷羞紅粉。擬插黃花避白頭。底事

登臨好時節。等閒收拾許多愁。

中秋口號

并引一云雲山閣白語

伏以四難并得。旣爲樽俎之佳期。五福具膺。實號縉紳
之盛事。矧中秋之屆候。宜公燕之交歡。恭惟判府大資
身遇聖神。家傳將相。時應牛千之運。論歸尺五之天。姓
名久在於金甌。方面暫分於玉節。浮堦飛閣。引南國之
佳人。豪竹哀絲。奏西園之清夜。

雲山簷楹接既空。公晏初開氣鬱蔥。照海旌旛秋色裏。激
天鼓吹月明中。香槽旋摘珠千顆。歌扇驚圍玉一叢。二十
四橋人望處。台星正在廣寒宮。

次韻侍嗣南郊

風馬雲車下九天。郊柴初告帝心虔。天如倚蓋臨壇上。星

若連珠遶御前。縹緗佩環參雅奏。碧巖樓閣抱非烟。侍臣
舉酒欣相屬。醉看參橫左右肩。

口號

美酒忘憂之物。流光過隙之駒。不稱人心。十事常居八
九。得開口笑。一月亦無二三。莫思身外無窮。且賭尊前
見在。功名富貴。何異楚人之弓。城郭人民。問取遼東之
鶴。付與香鈿。畫鼓盡歡美景良辰。欲奏長謠。聊陳短韻。
平原居士。今無影。鸚鵡空洲。誰舉杯。猶有漁陽。搥搥鼓。爲
君醉後。作輕雷。

早春

黃金軟軟滿垂楊。尚有春寒到畫堂。酒力漸銷歌扇怯。入
簾飛雪帶梅香。

赴杭倅至汴上作

俯仰觚稜十載間。扁舟江海得身閒。平生孤負僧牀睡。准
擬如今處處還。

無題

掃地燒香閉閣眠。簾紋如水帳如煙。客來夢覺知何處。掛
起西窓浪接天。

蘇子瞻記江南所題詩本不全。余嘗見之。記其五絕。
今以補子瞻之遺。東坡跋并三絕見正集第十卷
後編詩注下

紅窓小泣低聲怨。永夕春風斗帳空。中酒落花飛絮亂。曉
鶯啼破夢惺惺。
啼草露如郎倅薄。亂花飛似妾情多。歸鴻見處彈珠淚。語
燕聞時斂翠蛾。

琴絃斷續愁兼恨。嶺水分流西復東。深院小扉紅日落。繡
牕閒倚更誰同。

參橫霽色天沉水。宿鳥寒枝竹瑣煙。衾惹舊香清夜半。淚
凝殘燭畫堂前。

寒信霜風柿葉黃。冷燈殘月照空牀。看君記憶傳文錦。字
字愁繁惹斷腸。

金山晚眺

西津江日月初弦。水氣昏昏上接天。清渚白沙茫不辨。只
應燈火是漁船。

和程給事贈虞道判三首

刀圭雲母具晨飧。門對三層步斗壇。夜考鶴經分七九。曉
占歲氣辨齡丹。

火棗交梨近可餐。不須拋肺及天壇。龜藏坎海毛皆綠。鳳
宿离宮色自丹。

紫府沉沉掩夜關。竹陰清掃月中壇。歲星偷得桃枝碧。董
奉栽成杏子丹。

處州閒題

清酒一杯甜似蜜。美人雙鬢黑如鴉。莫誇春色欺秋色。未
信桃花勝菊花。

春詞絕句三首

蒲萄裊暖蕙薰微。紅日窺軒睡覺時。人倦披衣雙燕出。青
絲高罨木蘭枝。

弱雲亭午弄春嬌。高柳無風妥翠條。懶讀夜書搔短髮。隔
垣時聽賣餠簫。

都城春富百花披。長憶人歸駐馬時。淺色御黃應好在。爲誰還發去年枝。

秋詞二首

雲惹低空不更飛。班班紅葉欲辭枝。秋光未老仍微暖。恰似梅花結子時。
無數青莎遶玉階。夕陽紅淺過牆來。西風莫道無情思。未放芙蓉取次開。

呈李公擇

青箋擘處銀鈎斷。紅袂分時玉筍懸。雲脚漸收風色緊。半規斜日射歸船。

落日馬上

日落荒陲白霧深。紫騮嘶顧出疎林。回頭已失來時路。杳杳金盤墮翠岑。

賞酴醿有感

春來百物不入眼。唯見此花堪斷腸。借問斷腸緣底事。羅衣曾似此花香。

江湖長翁詩鈔

三十

陳造字唐卿。淮之高郵人。自以無補于世。置江湖乃宜。又以物無用曰長物。言無當曰長語。故稱江湖長翁。年二十五始學儒。四十三登乙未科。尉繁昌。改教授平江府。叅政范石湖曰。使遇歐蘇。名不在少游下。尋知定海縣。授朝散郎。淮南路安撫司叅議官。病卒。陸放翁序其集。謂能居今篤古。卓然傑立于頽波之外。其詩雅緻。不事浮響。故見許如此。

寄二孫

憶昔初抱孫。雙鬢鬢已秋。眼看與我長。歲月如許遒。我以薄宦西。汝爲守舍留。夢輒來後前。歲律歛再周。想今與迺父。長我更牛頭。天姿粹而溫。整整辭不浮。六經如取攜。八

面自優游。落筆動萬言。頗能如翁不。如翁何足道。抗志須
前脩。良匠有妙斲。情農無厚收。彼哉碌碌者。不源而計流。
吾言不虛往。過是夫何求。

右序

阿秦幼儻礪。勢若泛駕馬。暫別已束髮。折節殊曩者。誦書
口瀾翻。晝夜曾不捨。課宥犯雪供。筆亦揮汗把。才地校優
劣。不在阿儒下。平時於方兒。眇視真土苴。念翁少年日。爲
學不餘暇。混俗類疎放。秉心迺儒雅。兒今頗肖吾。解笑時
苟且。師匠求有餘。好書不外假。緬懷螢雪邊。力倍功更寡。
可用吾季孟。直輩古班賈。

右辰

七月附米舟之浙中作

白蟲散如蛆。黑蟲聚如蟻。循緣仍啞齧。欲寐復九起。吾舟
玉爲粒。生此果何理。神奇作臭腐。秋暑况如燬。人生託洪
爐。一飽蓋分爾。臨流念彫年。胡迺置身此。笑口忽啗愧。曼
膚或瘡疖。畏防費應俗。情僞良不美。短籬護松菊。吾歸殊
可喜。錐刀詫朋儕。嗟爾商販子。

召伯停舟辟雨

去年是日之山陽辟雨繁梁作菩薩
蠻云

窗度荷芰風。舟艤鴛鴦浦。落帆憇篙師。避此白涼雨。長征
取愜快。畱滯不云苦。適喜縣麻勢。爲盪錄石暑。去年舟繫
柳。卧看虹飲渚。龍公會事發。尚記跳珠語。崎嶇不諧俗。似
爲龍所予。一杯酬新涼。開瓶先酌汝。

過樊村

襄鄧二千里。何啻三百灣。風色九順逆。左往復右還。舟行
已三日。沿流不作艱。卽今蒼煙面。猶是泊處山。信次有定
期。曲直了不關。聊可供戲事。輕橈與回環。

贈錢郎中

利方利祿。嫫抱道俗不省。詩書工發冢。孰起世儒病。錢侯
挺直節。蠻徽復蘭省。劔氣夜星明。鵬翮秋霜耿。上前論世
務。萬乘為首序。平生中原慮。壯歲左符請。不作黃閣想。擬
試白羽乘。孤忠當寧知。宏圖時宰領。羣兒須圓曲。謂可力
勝命。彼此計乘除。得甕喪崇鼎。平生信所得。一鑑照萬境。
幕中辭脂韋。客右進嚴冷。主簿聲牙伯。評俗怒生癭。謂伯
令君強項翁。爭事不藏穎。謂劉山陽但有周舍思。可無衛武警。
我亦意行者。泥古志未逞。朝來聽名理。剪燭延落景。寸田
殊易荒。有賴別榛梗。效奇乏良策。汲汲慙短絆。惟期佩公
言。不墮頽俗弊。

八月晦試院中作

官居課程地。生有文字癖。誠知蠶負山。詎得辭此檄。嘉禾
古多士。孰者非巨擘。老眼不待封。舊苦眩花隔。勿云石賈
玉。箴失眸亦得。荀子云失箴者眸面得之捧心若為妍。竊鈇徒自匿。陸
海貪窮搜。奇寶多偶獲。巧常昏金注。勇或便大敵。清醴聆
鄒琴。欵識辨周鬲。頗收半段槍。遐念連城壁。渠應悔羔袖。
吾敢厭雞肋。撫囊奉利穎。體國免素食。明朝羅客拜。定自
百夫特。俗無拋塼惡。歸舟緩張席。

三月初晚晴寄高縉之三首

東風掃積陰。殘雨不敢漂。壞雲裂裳帛。倒掛澄嶺腰。鳥影
不作暝。夕陽明山椒。安得上上頭。風露永清宵。
人家繡闥閑。湖上粧面新。湖山簫鼓中。魚鳥安得馴。山靈
建飛雨。淨洗綺羅塵。即今隄邊柳。為誰管殘春。

曲欄倚青冥萬井入指顧湖光漾明霞照我凭欄處森木
倦鳥歸遙空征鴻度定知待月人破竹有奇句

車堰牛

牛力輕萬鈞性順異諸畜有足不解蹊有角不皆觸課日
引耒耜爲人給穀粟私家憂闕食公家要餘蓄公私雖相
須置汝誰取足奈何過堰客行舟動千斛挽牽亦諉汝鼻
鼠頸髀縮扣角一勞之不語對以腹物生愧無用懷安或
作福於人儻有益塵身豈云酷君看廟前牲被繡飽芻菽
膏血薦鼎俎誰定悲酸觶

舟行卽事

昨日由曹娥明日指慈谿待潮舟爲膠得潮舟若蜚留滯
復一快計程元不遲人生意失得孰者乘除之今屆昔已
伸彼羸此或虧但可自適過尚用悲喜爲水伯愚弄人政
如造物兒丈夫木作腸渠輩未易知

餞寄定海交代

縣尹古子男今不一錢直低催奉簡書偵伺常屏息白簡
與按章歲月供彈劾當路雖所懼姦民巧狙擊吻聞售蜂
蠆意外變白黑防虞莫救過彌縫或逃謫政使有卓魯未
容置形迹云何世難事君不動聲色編民翕風移惡少且
心華田廬有笑歌魍魅亦窳匿斯人紀仁愛幾磨南山石
政聲懿如此僅免繩治厄諸公蜚鸚書犯嚴尚遺力安得
定海民爲君灑薦墨蘭臺傳循吏採訪多失實安得定海
人爲君秉直筆嗟我吏隱者志在山南北身名萬金重如
博試此擲賴今遺愛地一一可矜式政恐效西子美顰得

嘲劇江皋一樽酒。聊挽朝天客。妙樂喧江浪。清譚到理窟。
盟言底遽寒。舟駛潮水急。西望念風義。感歎徒至骨。

送李象山趨朝

象山海邑古稱象山。郎今聽李明府。頗亦費支梧。故云。

書肘詎容掣。筆柱不可膠。付事多其防。職業自寂寥。頗思
圓機士。細苛舉網條。宰邑古難之。茹苦耐煎熬。百抑不一
揚。推波益驚濤。由來法愈密。祇為下所操。一饑驅我出。銅
墨強折腰。揆翅著籠中。側睨鵬冲霄。平生有知己。持橐貳
銓曹。君來定倒屣。道我不自聊。願推變通術。霧雨均枯焦。
而况代舍舊。宥惜引手勞。

十二月二十六日趨府

誰謂一舍遠。不辦三食趨。亭午縣市西。衙鼓府城隅。匹馬
驚鳥去。指槌冰在須。北風挾霜氣。萬象付摧枯。想當折琴
絃。未怪裂人膚。馳裘被甲如。是日有若無。客首不暇回。顧
客少踟躕。出處不能同。勞逸為之殊。龐翁馬少游。似非隱
者徒。鄉居老躬耕。飽溫得自虞。婆娑銅墨間。盍亦省頭顱。
菱糲脫中熟。吾口良易餬。

別俞君任通判

一代石湖翁。韓歐或其儔。當時出門下。如君屈幾指。論定
難為才。我乃輩多士。椎成方未器。正賴君礪砥。師友繫魂
夢。栩栩輒千里。驚見得此客。乾鵲預為喜。一笑破千憂。天
幸寧有此。石湖倏眼中。此翁真不死。

邵伯阻風小泊。贈送行諸公。

長征每愛日。小泊未還意。陰風自南北。客子聽軒輊。召棠
望吾鄉。不作秦越異。船閣鴈鴛洲。人穿魚蝦市。相逢各吳

語知識十三四。水實不自買。海錯有佳饌。餞行餘十客。超俗見友義。笑譚寒谷春。爲我洗羈思。相與卧玉瓶。跋燭得微醉。老懷易作惡。別語毋動喙。

魏帝廟

佛狸歲未卯。志欲吞宇縣。當年江飲馬。腥血浸淮甸。無人飯耕牛。有井巢歸燕。至今閱遺史。爲汝空飲恨。緬想瓜步畱。殺氣纏吳分。云何此山椒。遺像儼高殿。無乃甘事讐。吳俗昧所見。或復綿歷久。後嗣忘敵怨。冥莫彼有識。福汝吾敢信。君看趙與薛。狗國冒禍孽。魏侯繼前躅。長呼死白刃。胡不尸祝之。香火均遠近。豈但祈神休。抑使頑懦奮。誰今決從違。引手適我願。趙侯立薛侯慶魏侯勝皆淮南死事將也

長蘆寺

昔年望長蘆。去江逾百步。垣宇呀已缺。浮圖歛欲仆。僧徒噉宵留。日有沉溺懼。重來舒望眼。佛刹非故處。安衆得亢爽。定遷疇夙素。似聞瓶錫侶。復作醯醢聚。居人禱蠶麥。行客乞泉布。營者肆夸侈。施者不顧慮。百堵煥金碧。奚翅復其故。往往豪雋人。四壁有未具。彼徒創寺意。取鎮湍濤怒。向來梵唄所。倏爲蛟螭據。在已不自保。誘俗說依怙。波流置不省。此理吾未論。

泊慈湖北岸

坐覺江流平。憑漫裂三股。舟子告風橫。因循宿中浦。慈湖古戍近。猶復小江阻。漁翁家葦間。蝸舍無鄰伍。把酒訊三老。此寧泊舟所。諗我今昔異。解帶無所苦。向來揀丸徒。白晝猶匆匆。一白尚書來。此輩凜刀俎。江山亘千里。有屋皆

外戶似聞襄江道。社帝過行旅。翳公舊威愛。平寧尚如許。
兩地好經行。爲官喜欲舞。倒林鼻雷吼。夢破聞船鼓。受欺
墮姑息。迂儒彼何取。謂張勳書旋豐

上下驛磯

湖陰數里間。山麓屹兩磯。幾麓突江出。禹功不及施。千古
妨行舟。死生繫毫釐。我昔步磯上。雨歇暑氣微。驚湍下百
尺。怒勢轟千輦。尚憂坤軸動。無怪沙岸敬。螿龍渠得安。過
鳥翅欲垂。頭眩膽爲掉。坐歎舟上兒。壯哉天下險。姦軌容
抵燭。如身護風寒。要地此幾希。今來歲華暮。去舟良坦夷。
人言水進退。寒暑分盛衰。古來設險守。亦有可易時。兩谷
與劔閣。秦漢嘗用之。人輕地亡重。正煩折箠答。恃險無興
國。典國須藩籬。帝王所取重。文武各攸司。險易倏變改。卽
磯餘可推。

蕪湖感舊

下帆同鳥樓。掛帆逐鷄起。但見蕪湖月。耿夜清如水。江左
此壯縣。我昔舟屢艤。諸公各敬客。款曲豈今比。酒杯慣邀
畱妓圍。供燕喜。流連動十日。每過蕪湖朱丁諸公約以十日爲期揮掃或千
紙。舊游想如昨。故交今餘幾。逝者泉壤隔。存者參辰似。浪
憑楚些招。盍寄相思字。可能喚巫陽。且欲託雙鯉。

過繁昌

江山互映帶。竹樹渺隱見。居人江山間。安處忘古縣。泊舟
穴子初。舊觀儼自薦。嶺山高攬雲。雲際抹澹靄。慰我塵埃
容。嘉此煙雨面。山脚慣奔走。尉曹分卑賤。縣人應指似。髻
改顏狀變。漂零渠未知。憂患嘗欲遍。俛仰二十年。轉眄閱

江漢長翁詩金
蜚電故人半在亡。在者或海甸。明朝理去楫。山影暝江練。
安得人如山。來往長相見。

繁昌早發

客行固塵身。畱滯如振翼。及茲祖禮竟。蓐食理帆席。風停
浪未蟄。天曙月正白。版磯匯湍殺。荻港煙樹碧。杖策丁家
洲。徙倚容少息。無酒問山店。憶鱸聽村笛。鳥鳥啼松竹。鴈
鴒下沙磧。回柁投曲澳。又寄糝潭夕。情疎或易合。不作淮
楚隔。纍然槁項翁。軟語慰行役。

泊海子口

池口至海口。望望三舍外。辰發莫已到。回首西日在。風師
宥憐客。祖道煩一嗌。我舟疑凌虛。楚山真歷塊。蜚鳥相讓
疾。驚浪乃弗逮。窮途坐局縮。頗嘗得此快。過邁自本圖。闕
供恐貽悔。未辦問村醪。且計具薪菜。

泊小姑山

楚山屹兩姑。我見乃其稚。聞名詩卷間。識面客舟次。玉刻
極端麗。簪植暝蒼翠。娟月上天角。相與詫嫵媚。怒風將我
西。未慙卜晚憇。山足舟可艤。山木纜可繫。山外正風波。獨
此佳食寐。斷知有神物。主此勝絕地。明朝捐行橐。可無答
神賜。白鵝雪爲肪。綠蟻香馥鼻。舟穩風又熟。無乃契神意。
未暇訪彭郎。辭費辨非是。

郭家洲

攜兒上絕岸。微徑步蒙密。人稀鳥鳥樂。老屋幾百室。荒涼
郭家洲。籬落映殘日。問俗得周旋。磨門頗蒼卒。興衰今昔
殊。郭姓尚十七。鄰里闕鹽茗。翁姬僅鹽櫛。其說頗歲歉。平

陸江浪沒場圃或潭洞。椽棋行蟻蛭。去秋微收爾。樵採取
黔突接耳多樂郊。一去恐兩失。吾邦有杜母。撫我不待乞。
蠲租桑柘在。休役孫子伏。意使流殍無。寧後倉廩實。官今
薄陽來。吏師那容失。書紳拜此賜。知我佐郡紱。古來禪肉
食。多自藜藿出。必若窮吏道。孰先究民疾。劍膚快目前。吾
固笑無術。

離富池

江流寂無聲。明滅窗月曉。客枕歸夢餘。意先西菑島。雪天
信少風。翳面正繚繞。富池忽信次。宜羨鵬鷲矯。向免犯險
艱。神惠顧豈少。今晨有佳興。調笑向諸小。波平旗脚直。康
莊馳騁裏。鱗鱗到座隅。健鶻啣林杪。人家積蘇間。山影橫
練表。未成官縛去。得句吾事了。

龍眼磯其小而巧漁者聚焉

誰謂石一拳。不作江流礙。朝來揚帆西。倅若驥歷塊。龍眼
風火磯。培塿視華岱。似聞潢潦時。亦復鼓湍匯。繫去本不
難。奇巧禹所愛。其上嘉樹密。其側魚網曬。居惟羨漁鄉。復
欲老犢背。西歸僅得此。庸敵七里瀨。

次臧秀才讀蘇集

秀才甚文予未識也

自我得蘇集。玩閱幾忘年。汲甘乏脩綆。適遠疲短牽。取一
九不隨。望若終茫然。子齒始半我。用志超我先。晶熒出秀
句。妙斷遺雕鏤。此翁淡堂奧。駢闐誰敢專。潢汚置不云。學
海須百川。怪子介且方。落筆盤走圓。子真蘇門徒。豈獨長
短篇。平生脩月手。不補衣履穿。秦黃晁張陳。眾星耿霜天。
世儒昂其首。指似如登仙。子起斯人後。遊刃牛無全。邢娥

望可知。衆女空丹鉛。何時班荆地。解我心懸懸。卽今清夜
夢。不止懷昔賢。

雪夜與師是棋次前韻

投醪士或醉。說梅人不渴。窮途餘樂事。不受憂患逼。詩可
供呻吟。棋亦識死活。朝來喜雪句。神藥胎可奪。一揮與兒
晤。斷無市聲聒。既免沈舟護。不作賭墅謔。指冷良易忍。眼
花苦爲孽。疏置仍作罪。隨意略細閱。瓜葛勝負間。時亦近
屑屑。策幾奇兵塵。地比弱王割。吾非江左管。紙牘愈愛說。
升沈作豐悴。今古無成說。家居鼓吹具。藉以保晚節。振翼
得一笑。爲汝倒蕉葉。袖手聽殘更。紅麟暗晴雪。

再次韻

雪應時可喜晴不遲尤可喜雪止惟陰夜因

人間十日雪。已潤夸父渴。宿雲忽披靡。義取與仲遇。春從

九地回旋放。牙甲活。主張披拂是大塊。司予奪。椒栢追時
序。鼓吹聽曉聒。詩壇有同盟。辦作衞社謁。得雪晴更佳。過
是或爲尊。羣山半披剝。衆巧獻一閱。懸知兵吏集。不待鋪
木屑。令尹活人手。小試牛刀割。廣文甘饌左。不宥事容說。
與俗分樂事。盍以韻語說。獨慙長鬢送。不量好時節。六一
謂聖
論曰山婦云好時好節送詩
儂人家不知吾輩所樂在此要須百篇寫。趁此始未葉。正
使領兒觥。快作湯沃雪。

至喜鋪

外朝走馬息。險絕欲無路。阻駿蹙萬蹄。若敵場赴崩騰。
臨空曠。跪足此小駐。蕭然一驛傍。爲此數家聚。川城南山
下。邑屋隨指顧。行人不勝喜。息駕始此處。蹙然愀然意。南
北分來去。我解房州印。初試歷險步。胡爲亦自得。不作罷

茶慮鄉心建瓴水歸夢受風舞
是役固已勞端復酬夙素臨風搔白首一笑飭徒御

涼口守風

辦舟留襄陽辟風泊涼口得行秋甲辰初到夏癸酉跛隨
已自慣束髮至衰朽坐是冥得喪况復多病後絕憐操舟
兒不措脫頰手顧瞻峴山亭覲面可奪取微風吹薄暮霽
景掛高柳涼月欲略箕陰氛尚侵斗明朝起拖計未敢決
可否身已不藉在心自無何有一事前一意但見掣君肘
擁書坐蓬窗醉我不以酒

赤口灘

漢江多惡灘赤口乃其最前年將家上正值江流殺奔衝
震溝畝狼石森戰鐵崩屢取進寸一跌尋丈退聞此尚痛

定躬履况兒輩今者劈箭去未覺有湍匯一雨動三日遠
岸卷澎湃向者險熾地了不經眼界三老笑相語無復憂
滯礙路可屈指計歸將平心待窮塗偶快意此惠莫謀大
龍公本何心賤子多感慨

旅館三適

予以病愈不食麵此所嗜也以米藥代之且宜燒猪客有惠膏白堂酒者同時製作

三詩識之

厥初木未種移植雲水鄉粉之且縷之一縷百尺彊勻細
蠶吐緒潔潤鵝截肪吳儂方法殊楚產可倚牆嗟此玉食
品納我蔬菽腸七筋動輒空滑膩仍甘芳豈惟僕養餌政
復奴枕椰卽今弗泊感頗思奉君王
雋永項上鬪紅嫩劣帶簪彼美大欄君坐受羣毛朝鼎滫
走真味正簪松炬燒毛我銀絲窩葱豉巧和調董塗非所

宜。淑郁如蘭椒。腹腴但下隸。羶根合藤條。併填長翁腹。未
覺喉牙搯。但訝大嚼餘。無補詩腸枵。
佳齊宜見分。春意偕客至。誰將清白名。言代碧香謚。起滄
饒磁甌。玩吮色香味。醍醐馥牙頰。沆瀣沃肺胃。桑落古宜
城。不足偕品第。我病久不飲。此日欲小醉。快哉羈寓中。乃
遣拜嘉惠。一盃先晨飯。歛作凌雲意。米托薦燒豬。佳此三
者備。飽足仍酣醺。眇睨人間世。

官務

磨。隨爲官多。曉了未更歷。今世從仕者。萬口用一律。文按
日從事。鴈鷺竊投隙。自謀脫悔吝。初宜計易劇。追逮有踵
接。符謀動山積。豈念南畝民。晷刻校日力。停犁聽上命。質
衣供旅食。誰定老我師。黠民幾鬼蜮。締彼刀筆吏。表裏肆
狙慝。奈何貪肉人。立說與推激。此論儻不破。此弊終未息。
揆予閱世熟。敢此論在職。

命書

命書唐濫觴。委源傳呂後。有倡莫爲過。波蕩今不救。字育
叵數計。八字詎所囿。甲子動埃億。舉一百萬漏。荒唐無稽
據。言指休咎奈何聰。達人頗復安。此謬懷刺曳長裾。偃
蹇文士右。夸詡走干謁。薦墨不待叩。士有待濡沫。百請不
一售。我昔遊江淮。知識間新舊。文士不到眼。此輩日交造。
辭章輕盃水。羨彼行橐富。鯁鯁問利祿。吾儒所蔑陋。自笑
與世違。迂論取排詬。

財昏

師昏古所辭。財昏今不耻。傳祀合二姓。古者貴由禮。四德

五可外貨賄亦未爾。民風日就頹。捨此爭校彼。媒氏未到。眼聘資問有幾。傾篋指金錢。交券奉租米。東家女未笄。儀矩無可紀。已聞歸有日。資送羅鄉里。西家女三十。閉戶事。府哀四壁漏風霜。行媒無留趾。墜貧失行期。趣富普貪鄙。流弊例不免。其源實此起。多約或少酬。暫譽甘長毀。坐令親舊歡。詭譎變狐鬼。何況性習間。貧富岐臧否。土俗未易挽。人情大不熾。悠悠何足道。吾以諗君子。

聽政

爲政貴中和。偏狃古無取。無心斯善應。奸譽乃其蠹。奈何聞見間。往往用心誤。扶弱抑其彊。古或垂此譽。世異俗且殊。處今猶狗故。曲直本不昧。彊弱豈所據。君子不此恤。情僞洞丹素。富室被剝腹。日有貧窶慮。士夫受加陵。悔不齒編戶。羸弊取必勝。玉色吞氣去。不知世富室。如母子所恃。不知意定向。未語機已露。傳繼用一律。抱冤莫赴愬。用是致和氣。南首問燕路。

錢弊

爲家重墻垣。爲民須貨殖。楊廬國首戶。東南賴控扼。淮民魚米餘。百貨仰殊域。用銅防外滲。用鐵乃奇畫。一利伏一弊。救弊要得策。持貨買官券。捨此莫衣食。錢貨天下用。鐵乃限南北。坐令兩淮民。塊處隣貿易。計鐵取券直。十纔取六七。朝賢愛淮民。此困盡憂恤。銅鐵均國寶。通變豈無術。近甸視遠地。未可岐畛域。况今苦倒垂。倚待振焚溺。緣江入郡爾。雜用顧何失。官券朝北來。淮俗暮安宅。卽今私鑄斷。胡尚膠今昔。吾貧復淮人。計勢不容默。

吳節推趙揚子曹器遠趙子野携具用韻謝之

平日從俊遊。寂寂坐多病。犯床漫飛埃。瑤笙罷重請。犯床置樂器。謂宮調相犯。修樂器。惟笙曰請。昔遊喜復到。風物他日盛。坡恐名燕支。樓亦詫端正。新交間舊友。氣合宮羽應。譚塵冰霜厲。筆陣驚。鸞勁吏。隱分樂地。與世不好徑。拔貧辦一歡。挾責輕百乘。四豪載酒過。講德珠璧映。歌奏雲近人。舞罷鸞顧鏡。醺醉忘主賓。笑語似紛競。朱樓識阿眇。白酒醉師命。明朝耐殘醒。江聲醒幽聽。此樂謫仙後。同與君試訂。四豪成風手。可但隻字警。我投詩社名。拜手敢貌敬。

記夢示師是

青燈寒夜思吾鄉。合眼便坐吾家堂。阿丁炯然目如水。絲衣翩僊趨我傍。中心喜之謬督過。還為遨嬉廢書課。指似斜日西窗紅。小賦未破書未供。向渠不敢恩勝義。亦憐忸縮不自容。蝶蜚鹿失忽驚寤。撼撼霜風在庭樹。幾時筆力跨乃父。與汝相忘不聞慮。

題胡處士猿麝圖

畫工神品今代無。神嶽一脈傳醉胡。幾年傲睨不落筆。乘興掃出赤縣圖。今君所寶亦第一。我疑神遇非有筆。青林紅葉晚未暝。遙山遠水秋一色。五猿踞石相因依。兩猿掛樹松枝低。仰睇側顧聲善疑。其二行齒如不知。昔人畫馬師廐馬。畫山直付居山者。野猿不馴麝易驚。逸影渠能寫閒暇。草露空荒遠刀机。即今放麝誰氏子。山蜂負毒不足憐。盍貸蠪蛸畱報喜。

布穀吟

人以布穀為催耕。其聲曰脫了。潑禱。淮農傳其言云。郭嫂打麥。浙入解云。一百八箇鳥。何

與人事人以意測之是非皆不同為作此

潑袴不容脫。鳥語徒慙。輸租質農器。有袴那解。新官中
催科吏如虎。告時趣耕。爾能許。即今春種未入田。安得縣
胥知愧汝。早棲俛。啄良易謀。聒聒疆任田家憂。啼時未旦
夜不休。班班血痕。銜口頭人將近。似測禽語。汝意真解憂
農不。或傳悍妻天所怒。姑不可。過渠不顧。罰為此鳥聲。曩
愆警世母為郭家婦。南方諛佛古到今。人持數珠家梵音。
區區說似一百八。譏訶勸相知何心。浙風淮俗隔江水。意
解禽言乃如此。蘇黃妙句誰嗣之。兩地流傳併須紀。世間
儒墨紛相攻。巨細彼此裁。穀同爭如痛飲。卧長晝。付渠馬
耳謝東風。

樂山雙

雜木漫山誰所種。居不臨流多不用。九月霜風捲黃落。羣
山一夕皆班駁。遠看拖坡橫。稼衣農家刈粟山有畦。家家
墾田日嫌窄。荒林翳蒼惜虛擲。斷荒作熟不掛籍。輪官之
餘給衣食。州中之政常近厚。不欲屑屑校升斗。寧其棄之
聽民取實亦藉是作康阜。繼承不皆惠慈守。汝須彌縫吏
胥口。防有後來規稅啟。

竹米行

竹君亢宗擅楚墟。一一脩聳山澤曠。風流秀整與世殊。楚
俗食息皆爾須。薪之籬之且籩簞。并筥箱筐籠籃篋。薄瓦
厥祖羨其雛。隨索斯獲。撥諸塗。今歲麥秋早。歲餘得麥僅
足償官租。竹君憫農如士夫。著花結實千林俱。密砌玉粒
綴旒珠。株株擷取雖錙銖。爾頃亘畝無閑株。磴磨蒸炊勝

離葫鄰里乞索水火如坐令瘴瘴與歌呼野叟好事能分
吾香清而冽甘而腴此君行能不一書此惠及物旋就枯
摩頂放踵忘其軀所學無乃墨者徒老子苟祿天之隅袖
手無策蘇婢孤投七三嘆吾慙渠

田家歎

五月初四月尾菖蒲葉長棟花紫淮鄉農事不勝忙日
落在田見星起前之不雨甫再旬秧疇已欲生龜紋近者
連朝雨如注麥穰橫雲欲殷腐如今麥枯秧失移舉手仰
天禱其私秋惡久晴雨害麥兼收並得寧庶幾餅托登盤
米藏庾儂家歲寒無重糶豈知送日戴朝星凡幾憂晴幾
憂雨吾儕一飽信關天下筋敢忘田家苦

春雨寒甚作長句

白龍天飛宜莫測吳儂解數歸消息年年青帝發生時妒
妬園林春動色西山龍母誕彌月歸覲親顏供子職壽觴
瓊醴俗共傳玉鱗素鬢誰所覩酸風鼓寒苦霧塞行人縮
頭欲僵立蛟鼉凍蟄大木拔更問嬌紅并眉白閉門三夜
淙簷雨起視溪流高數尺去年夏秋走祈崇雲電收藏日
血赤儂家倚鋤望眼穿白汗呀流地龜折天可問曷不遣
兩龍此時會生日

謝韓幹送絲糕

玉顆瑩滋珠就饌吳鄉早種蔗耕耨然乃風露秀結異移
種崑崙之木禾國家厨婦一百枝三春九浙付重羅銀絲
干尋忽繁積中疎外潔生搓援扶桑仙蠶大如蠶線之本
供織女梭悅驚萬啄關新巧習作水茸雪網窠即今擬形

供食事。纖手幻出千綯。多倒甑入筯。第三絕色香兼味。皆可歌。周官賓祭珍饗。餌有此復具理。則那詩翁物色及。粗糲得此來前當見。訶鱸盤漫詫金縷。飮湯餅徒夸銀線窩。瓊酥玉膩信非匹。胡麻崖蜜仍相和。感君汎愛記衰朽。回首一笑分餘波。腐儒口實長作累。饑饉之名定不磨。金山別去每掛夢。老眼復見還雙摩。焚酖得飽問便腹。如汝平生相負何。更從公子乞方法。日常飮之老潤過。買用二頃不種秫。未怕酒客來操戈。糕不用糯。金山者名天下。

識村翁語

勸耕淨居村翁老而健。問其壽云。山居淡即中史亦相呼而致敬。厚設而歸。即逝。二人壽未必止此。厚味非野人所餐也。其言有契乎心。作此記之。

山僧一生饜山菽。溪叟所仰纔魚菽。闔守侯家與相家。珍

膳不應填汝腹。百二歲翁清且羸。茵坐鼎食寧其宜。焉知暫飽博長往。穀神震怒脾媪悲。官家顆粒皆民力。此祿食之須此骨。兩翁妄食壽弗延。當念無功暴天物。我雖不偶猶餐錢。車行肉飽隸後先。食功揣已懼不稱。因翁有言呼使前。盤几畢識翁所言。

繁昌縣感舊

繁昌古縣依山麓。縣外峰巒更重複。連山斷處圍平陸。有地可耕無十。六昔我作尉三年。畱局促似爲山所囚。野行村宿飯古寺。山路纔悉如吾州。車如鷄栖馬如狗。風袂塵襟博升斗。是時身健髮熟班。頗復興懷爲奔走。遠近人家山影濃。與我周旋圖畫中。山鳥翔集相和應。野花開謝能白紅。薄宦而今更長道。回頭祇覺當時好。筋骸罷憊髡摧

顏不歎飄零歎吾老。

出郭

寒食日迂使車初甚悵郊外春色慰人戲成

江縣居人寒食下。少在縣中多在野。哭聲不似笑聲長。麗
服新粧盡遊者。長郊芳草接天綠。我亦行行策罷馬。盍簪
命醉豈不懷。卑官出入元無假。偶來却勝特來好。觸處春
光可圖畫。幾日陰寒風用壯。今朝霽景天所借。趁人胡蝶
作團蜚。逐婦鳴鳩數聲罷。天桃艷杏雖已過。郁李金沙猶
未謝。其餘紅白爭娉婷。醉態啼粧各蕭灑。顰風笑露頰欲
語半吐梨花最開雅。游人幾許健倒去。紅粉誰家短牆亞。
良辰獨醒還自惜。捐佩一樽猶可貴。餠盤餠筴已寒盟。故
人應問花應訝。對春長作了事癡。不念清權本無價。會當
從公謝不敏。百罰深杯不辭把。魏花有約待人歸。秉燭酬

春期後夜

望夫山

亭亭碧山椒。依約疑黛立。何年蕩子婦。登此望行役。君行
斷音信。妾恨無終極。堅誠不磨滅。化作山上石。煙悲復雲
慘。髣髴見精魄。野花徒自好。江月爲誰白。亦知江南與江
北。紅樓無處無傾國。妾身爲石良不惜。君心爲石那可得。

檢早宿香雲

香雲之山瞰平楚。松篁路窮得僧宇。明窗深室皆巖靚。白
菊紅棗相媚嫵。它日欲來坐此。此行忽忽寧得所。蒲團
憇定飯秋蔬。衣袂黃塵尚如許。山僧共話豈須禪。但愛茶
甌如潑乳。投牀有夢不能記。忽聽風林如過雨。鷄聲不二
擁被溫。又恐罷驂陵險阻。出門便覺仙凡隔。猶聞宰堵風

鈴語今年旱。曠遂無年。枵腹籲天連。保伍頗能念我困。馳驅兩兩致詞相勞苦。但使秋租毋病汝。吾自卑官慣塵土。

謝朱宰借船

宰為蕪湖。予官繁昌。

書生祿。邀空自憐。三年官滿囊無錢。身如絆驥心千里。安得一舸西風前。令君磊落濟川手。留滯亦憐窮獨叟。大舟百尺影白虹。借我搬家我何有。函牛之鼎著鷄肋。涓滴渠須釐五石。劣留兩席寘圖書。輦石囊沙壓擗元典衣。買酒餉三老。槌鼓鳴鑼人看好。相過重讀借船帖。我自盧胡君絕倒。自繁昌歸。先經于湖。

田家謠

麥上場。蠶出筐。此時紙有田家忙。半月天晴一夜雨。前日麥地皆青秧。陰晴隨意古難得。婦後夫先各努力。倏涼驟

暖繭易蛾。大婦絡絲中。婦織中。婦輟閑事鉛華。不比大婦能憂家。飯熟何曾趁時喫。辛苦僅得蠶事畢。小婦初嫁當少寬。今伴阿姑頑。房謂婦。過日。明年願得如今年。剩貯二麥饒絲綿。小婦莫辭擔上肩。却放大婦當姑前。

徐南卿招飯

徐郎陋巷四立壁。乘間亦戒賓友食。慈親衰鬢不供剪。定賣春衣典書冊。念君治具良騷騷。與渠侵早來得得。小樓十客不餘地。猶勝陶翁劣客膝。江西米粟絲作窩。吳國香杭玉為粒。嗣宗阿戎各好士。笑頡頏鄙仍婦德。老子旅寓得此飽。勃鬱詩情喙三尺。出門未妨雨墊巾。萬展聲中緩歸策。

再次韻

東隣客來每登壁。西鄰客來常辱食。旅中一飽豈細故。借
舉大事書之冊。末路孜孜食眠計。外此敢忘戒在得。蘇端
向我顏色好。衝雨不辭泥沒膝。居貧頗禁惡客惱。念子秤
薪仍數粒。肺可用禱米可餅。併付饑僮飽君德。人謂教詩
等裁錦。拙婦渠能把刀尺。陶翁冥報苦朱賡。搜攪肝腸閉
倚策。

再次韻

白晝曲肱睨東壁。鷓鴣斯空復賊糧。食晚途白笑硯生埃。少
日頗常韋串冊。生世恐隨草木腐。忍使功言兩無得。長安
寧無翁施者。自宜有鐵關腰膝。樂天任運時近酒。子房逃
榮猶却粒。求窮我者迄未知。夫此誰怨夫誰德。擬訪鶯花
豁襟抱。門外雨餘泥一尺。山陰不待興盡回。掠面東風寒

策策

戲作

飲食小過不佳趙帥招飲淡食止酒因成古詩

書生稟賦紙樣薄。平日扶衰惟粥藥。一日飲濕小嚙肥。河
魚數日煩醫治。佳辰府公約把酒。嚴斥厨丁預節口。借問
王賓醅酢餘。還許公榮袖手無。厚味腊毒古不予。如作病
何仍古語。生世例非金石堅。支離如我更可憐。饑噉動使
諸病入。冷坐亦復百憂集。彭殤瘠肥本自齊。此理祇許蒙
莊知。筋下萬錢無足取。厨薦三韭徒自苦。法士語飲應且
憎。何如卧客懷中醉。不應婪酣任人嗤。穀伯何如辟穀高
人師。黃石陳遵張竦柄。鑿夫何爲彼此未可相是非。七十
老翁誰能促。戚縛此戒。醉死病殂吾命在。

呈趙帥

訪帥困于腰鋪次日帥聞到招飲

雨行本自貪風便。四十里程真劈箭。長年攤錢夸半仙。一
炊黍頃風頭轉。生世快意多所辱。葉舟瓠壺浪如屋。暗椿
觸船船版折。船丁顛天船嫗哭。塗窮儻有哀王孫。腰鋪人
家緊閉門。丁翁祿邀捕魚者。向我顧有顏色溫。茅屋新成
客寄宿。麻茶初熟仍見分。解衣滅燭睡欲死。鄉夢醒時雞
喚晨。平時晨舖下南浦。定向揚州聽更鼓。飛廉生憂吾敢
怨。薄命若爲防市弩。今朝河面吹細浪。竹樹不聲人駿奔。
掣鈴一笑話曠昔。便有樂事酬佳辰。鎮淮主人開淥樽。蕙
蘭香前簫鼓喧。一盃爲我安驚魂。勝談壘壘清耳根。向來
憂虞無足言。

山居四首

山間有好事。時宜問何如。束送筋頭薤。鮮分匙面魚。披襟

借我飽。攬髮爲君梳。一笑塵勞外。都無病可祛。
忽作斷過訪。經旬閑瘦筇。慵添和詩債。病減灌園功。石鼎
裹輕碧。庭柯零碎紅。竹君如見慰。竟日嘯窗風。
鳥息我亦倦。行行取徑微。石稜妨錯足。藤蔓每鉤衣。森木
各天籟。連山同夕暉。推門吟袖冷。滿帶野風歸。
涉世慣多選。還欣愜此心。鷄孫當歲稔。竹母值秋陰。言配
香杭軟。行須綠影深。繼今摩腹去。風日更蕭森。

香雲寺

山月明空隙。庭柯下槁乾。沉沉僧夜淨。漠漠鴈天寒。夢境
愁偏隔。詩情老易闌。未容辭水厄。聊復踞蒲團。

圩上

小村山影裏。山脚水明沙。春事初移柳。人家未摘茶。生兒

了門戶。饌客有魚。笑我塵埃者。奔馳鬢易華。

丁酉道中暮春

去家如昨日。節物轉頭非。風處綠自舞。雨餘紅頓稀。野橋平水過。村路躡花歸。趁得餘醪在。箏琶拂舊衣。

得姪消息

甚喜年穀熟。仍聞佳食眠。郡人新過此。鄉信得真傳。社酒浮蛆淥。湖魚割玉鮮。平時計安穩。莫靳里胥錢。

金地寺

側徑崎嶇去。飛蘿次第捫。山橫欲無地。路轉却逢村。竹栢圍荒寺。莓苔上繚垣。殘僧不知客。芋火老雲根。

陪盱眙王使君東遊四首

錦席浮波影。牙樯轉霧霏。飛花窺碧酒。舞蝶飭紅衣。野日

歌前淡。雲峰望處微。游魚應與樂。啼鳥莫催歸。

纔解鷗飛處。船移柳影中。林廬桃李月。浦溼蕙蘭風。酒淺能無醉。歌長惜有終。賦詩聊此筆。寓意未須工。

紅旗圍皂蓋。離迺碧山隅。水色涵雲樹。賓筵著畫圖。香溫金鑿落。花亞錦屠蘇。醉裏銀絲鱸。漁舟不待呼。

風林山闕處。茅舍兩三家。小駐回鶻隊。重尋粟玉花。疎煙橫暖靄。碧溜激晴沙。野興未渠盡。數峰明晚霞。

都梁

淮汴朝宗地。孤埤只眼前。譙樓西日淡。戍鼓北風傳。破竹非無計。撓瓜亦自賢。客愁渾幾許。撫劒倚吳天。

天外纖雲盡。山巔望眼遙。平淮剪綠野。白塔界晴霄。客裏風光異。吟邊物象驕。功名它日事。回首興蕭條。

關塞淒涼處。青徐指顧邊。如何漢正朔。不盡禹山川。將略
輕三捷。天威重萬全。諸公不愒日。老子判留年。
路惡惟沙磧。山回忽市廛。樓臺明晚照。花竹暝寒煙。生事
知無警。權聲驗有年。猶嫌武陵遇。不載割淮鮮。
犬吠蔥青裏。人家竹徑深。短籬循石磧。老屋枕煙岑。牛瘠
知春事。鳩啼認晏陰。豐年易爲客。盃酒慰幽尋。
年年漢臣節。春鴈與同歸。番俗尊華服。皇家後武威。市中
斜髡賤。水外拂廬稀。南北皆生息。和戎果是非。

雨後病起

小卧竹間齋。幽懷得好開。病從涼後減。雨及望時來。兩屨
山千疊。諸雛飯一杯。吾生計此耳。無夢到燕臺。

客中

多夜淮瀕夢。言歸未有期。愁禁客舍雨。寒過杏花時。酒廢
無何飲。春如不自持。若爲丹九轉。能照鏡中絲。

次瓜州

雲曠平山塔。煙明老漚城。客行判費日。舟泊細論程。開水
清兼濁。潮天雨復晴。未須歸有夢。午枕愜涼生。

贈趙秀才

袞袞紅塵去。扁舟得挽回。半生障日手。一笑沃愁杯。應俗
吾衰矣。論文子壯哉。明年日邊信。滿冀好懷開。

定海

齒髮今如此。東來料一寒。愛民平日事。宰縣昔人難。稍得
官租辦。聊容坐席安。渠儂趨負輓。疑未厭兒寬。
官廨鹽煙外。居人雜賈胡。聽言須畫字。討海倚輸租。習俗

何妨兩鮮肥。頗不無。已甘三載住。疇昔計乘浮。

聞師文過錢塘

九堰三江外。歌帆側柁頻。海鮮常入筯。雨鵲定隨人。椒酒須分歲。江梅巧借春。團樂多樂事。未抹物華新。

官居

官居不惜日。宰縣動三年。忍事腸欲爛。為防頭救燃。不應一飽計。長受眾人憐。俛仰堪供笑。人間海易田。

送學生歸赴秋試因省別業

年事真無賴。官曹已憚煩。兒堪付門戶。吾祖有田園。遊舊因相問。襟懷為細論。此心歸隱計。日日受風幡。

食口幾鵝鴈。田收問菜麻。子美力難及黍稷得種菜與麻寧堪再攬減。淮

謂歲飢為又抱兩嗚鴉。越人以嬰投老憐漂泊何時了貸

賒終慙陶靖。歸不計生涯。

高頭山

小駐綠雲脚。居然睡眼醒。楚田銜樹澗。漢水挾山青。蹠蹠初忘倦。巉巖已飽涇。川原方啖蕨。不擬嘆漂零。

無題

薄宦受風梗。還家歸岫雲。行人與喬木。老色竟平分。末路慙周朴。窮交有墨君。看渠緩若若。千騎詫鄉枌。

書懷

俛仰人間世。纔為一笑資。百年羊脚熟。萬事虎頭癡。文字聊遮眼。功名浪染頤。浮生如此爾。况復病餘衰。

次韻楊宰次郎裝

時予亦留西鄉因述懷

信次尚村落。食眠隨曉晡。山瓶餘瀝倒。村人以野僧字謁

伊蒲笑挾兔園策。問收魚澳租。前灘起漚鷺。爲我作前驅。

次韻楊宰葫蘆格

生常信流坎。老不歎漂零。雪後菊未死。雨餘山更青。仍煩
析塵語。遠寄打包僧。政績隨詩價。多君日日增。

次韻張守塗中逢節向子房州之行亦舟中作歲節

塗中歲適盡。江影暮澄凝。栢酒惟宗武。河梁似李陵。問津
田叟傲。挾柂長年能。繫纜纒沙觜。人家已上燈。

次宿北阿韻

聞道藍輿去。遙岡復近阿。詩應吊孝逸。碑或贊頭隨。靜者
官糊口。公朝禮作羅。憐君日阡陌。塵土撲陰何。北阿李孝
逸破李敬
業處

卽事

側徑苔竹潤。短籬鷄鶩喧。小停障口手。聊憩卧雲村。綠影
烏皮几。新醅老瓦盆。平生農圃計。重與野人論。

再用韻寄丁知縣

南樓酌酒未分襟。啁鵲啼鳥亦好音。晴日倒紅生笑頰。煙
梧搖綠漲盃心。可堪歲月供行色。盡把江山博醉吟。不繼
蕪湖畱十日。焦峰浮玉恣幽尋。蕪湖簿畱予必以十
日爲約

念衰

心意彫殘底自娛。每臨滯鏡笑頭顱。詩從多病難爲好。官
過中年劣勝無。意景驅秋著鬢鬢。歸鴻銜夢下江湖。更應
載酒高陽伴。誤輟歌呼話故吾。

閑適

丁年故紙枉埋頭。老去時名底用求。得句蓋嘗身被謫。屏

書姑免服爲仇。關門工作。囊籟。閱世已冥。鷓鴣遊。槁木
山麋真適。適從來里舍。議家丘。

次韻蘇監倉二首 時蘇兼主邑學

交朋又得一相如。高掩虞郎行秘書。妙論析微驚我倒。諸
生到眼可人無。一官幸此分鄰燭。五字渠能攬虎鬚。快讀
清篇病如掃。北軒風竹對森疎。
長日奔馳傳置如。久妨著論與抄書。逢人爭席有時有。疥
壁留詩無處無。禦寇未辭期策。論文常憶攬桓鬚。扁舟
再有東游便。官向朋從自作疎。

縣西

一徑斜穿犖确行。身閑尤覺馬蹄輕。坡頭嘉樹千幢立。煙
際長江匹練橫。茶鼓適敲靈鷲院。夕陽欲壓楮圻城。一春

簿領沉迷裏。野鳥山花眼最明。

寄幼度主簿

辭家暑雨濺紅渠。轉首蕎花已雪如。歲月祇隨流水逝。笑
談陡與故人疎。簡書我正罷長道。歸棹君行指舊居。他日
霜風吹夢破。空從旅鴈覓來書。

七夕

龍旌鳳扇一相迎。知費青禽幾寄聲。天上經年纔舊約。人
間轉盼便淩更。涼河只向樽前落。微月偏來酒面明。後夜
玉琴彈別鶴。獨應乾鵲夢魂驚。

復程平叔

早歲雄文手自編。偶同聞喜聽鈞天。漫爲官去吾何取。肯
寄詩來子定賢。潘岳自憐頭易白。士安况苦病相纏。羨君

身健須如漆。萬里亨衢穩著鞭。

夏夜飲客

砧砧官曹興易窮。得閑何惜一樽同。傷愁邊到無惡客從
竹間來。皆好風。勝日詩狂輸酒聖。轉頭渭北復江東。雕鞍
未作扶攜去。更放蘭釭子夜紅。

寄陳居仁

尚記誅茅柳外隄。水光搖霧潤窗扉。桑間曾是僧三宿。海
上能忘鶴一歸。野店樽罍醅脚醲。比鄰雞鶩稿頭肥。解顏
一醉平生事。更向行藏計是非。

贈仲國美

前年春國美亦留夜飲云

三閱春光一建飯。依然歸棹泊危亭。烏迎客子各頭白。柳
學故人俱眼青。曾是縱譚僵婢僕。又成豪飲卧壘瓶。明朝

小話前溪別分付溪風管醉醒

贈趙秀才

平生心事釣漁舟。解后青衫映白頭。肯為功名戲雕虎。不
畱顏面對沙鷗。露溥青蓋高荷曉。風約黃陂小麥秋。入眼
斜川歸趣好。此身何處不菟裘。

京口呈張閣學

歸懷未用話南園。卧治于今又北門。但息兒啼竟上意。小
稽霆擊取中原。虎頭鏡視非無種。獅子當觴且勿喧。更恐
譚公家世重。斷無宜勸定驚魂。時迂北客故云

約二同年遊虎丘

兼旬閉戶耐寒威。起視晴空碧四圍。黃鳥啼邊忽遊子。白
龍去後漸單衣。年時尚記尋芳約。老境仍憐得醉希。紅影

幽香虎丘路杖藜攜酒莫相違

次韻張丞二首

夫君腹笥盡奇謀每叩談鋒聽不休
誦賦久嗟無此作薦賢端合拔其尤
小遲築路觀挾趨聊爲同寮蓋謬悠
政恐諸公有推挽平時果藝仰由求
槁梧閑據自沉吟投老真成負此心
酒沃渴鯨悲事往官隨跛鼈笑吾今
進爲終愧周人朴歸去曾無陸子金
尚賴君詩慰牢落時清聾聵發純音

卽事

江漾晨光入縣門樓斜晚影到漁村
海聲不爲無風靜山色居常帶霧昏
問俗卽今防愒日來時撫事錯銷魂
浮生寄寓君恩重未覺天涯異故園

勞農淨居贈皎啓二僧

勞農今喜復南轅夾道扶攜亦笑謹
縣尹庶幾無疾病山人迎送耐煩煩
芎葱湯餅聊堪飽出瓮春醪半帶渾
惟有爲民真實意異時陳迹付公言

九日登樓

海上重陽率多風雨邑寄罷飲作

縣曹逢節猶忙迫陰雨乘秋每接連
九日歡娛異前日幾年晴霽有今年
湖山入座褰珠箔萸菊按香薦玉船
帽委西風判一醉故人應未笑華顛

再次韻謝張守得新居

得巢歸翼愜卑棲尚卷風茅落凍泥
病樹緣階旋培植舊書堆案細籤題
地非新野聊龍卧人似東屯騰密迷
身世只今俱冷笑百川東注月行西

對客再次韻

客來一笑同鄉味。便粉秋菰。刷藕泥糟。滷子薑仍舊法。籠
緘乾笋。儼新題白魚紫鱗。空濡沫。窘兔驚麋。想碼迷自拈
臞儒合蔬糲。放麈終恐愧巴西。

自適

渺滌湖天入短篷。心期祇許白鷗同。人言火食闕蓬客。自
命官身田舍翁。酒可銷閒時得醉。詩憑寫意不求工。更那
長日溫書眼。一送蜚鴻下遠空。
雲水爲家百累無。意行從昔畧方隅。飲忘醒醉在常爾。夢
到無何午未蘇。遺俗可辭翻鞵錯。付渠陰作負舟趨。饒饒
禮法工相晤。閉戶仍防大小儒。

登平山堂

平山堂上命琴樽。前輩風流宥見分。戀客嬾斜當檻日。藏
山不斷隔江雲。吟牋得意窺天巧。醉面禁涼減纈紋。杖策
歸來新月上。落梅如雪點風羣。

春日客中

平時謾說醉爲鄉。對景今如石作腸。老去猶興客中歎。春
來剛制酒邊狂。露桃煙柳爲誰好。蜂蜜燕泥徒自忙。紅紫
打圍歌笑地。暮年多感怕思量。

山行寄程帥

雨餘支徑濕平沙。恰稱卑官下澤車。雜樹暝煙森立槩。亂
峰迎客儼排衙。水禽時弄翩儂影。野草爭開細碎花。久憶
山行此如願。不應回首更思家。

次日再次韻

鷗雙鷺隻傷汀沙却匯沙汀過客車清吹解撩叢竹嘯高
山如受衆峰衝寒生碧澗懸魚網潤著蒼崖賸土花所惜
隔牆紅紫滿行行無暇訪山家

復次韻寄程帥二首

節物匆匆可挽追直須樂事趁芳時行春倏喜花園屋借
景何殊月在池南昌當官借景未妨民恰似繫池取明月對酒不無桃葉女扣
舷却笑木腸兒山家有約須重到定放遊人張水嬉
人家襖被競攀追刺史春遊正此時羯鼓聲中花作錦壺
籌多處酒爲池絕須絲竹娛安石賸有篇章付雪兒聞道
續貂容下客老無佳句坐荒嬉

騎過山村

煙村面勢枕蒼山一徑循山作屈蟠入望高幢羅翠密掛
空匹練噴清寒吟髭撚白迎風去粧面駢紅倚戶看頗似
騎驢后山老倩誰粉墨灑毫端

寄鄉中親友

棋酒游從歎離羣酒牀吟筆漫飛塵潮乎可奈才力老甫
也尚爲南北人安信不隨秋鴈到流年倏復野梅新南岡
北阜憑高地引首吳天幾愴神

再用前韻贈高司理

吾宗如此况他揚碌碌諸雛欠宥掌薄宦幽憂殊未醒故
園歸夢可勝長盃盤頓頓家雞嫩翁媪嗚嗚社酒香猶記
比鄰笑行客夏畦龍斷爲金章

上巳溪上燕

杜若洲邊卓旆旌佳晨一醉萬金輕春光僅有一分在天

氣可能三日晴。解道蘭亭亦陳迹。官吟楚些愴幽情。人生到處皆兒戲。笑看爭標鬪雨鯨。

再次韻荅許節推

新釀開缸深蟻浮。舊辭仍缺唾壺謳。宦途要處難插手。詩社叢中常引頭。倒載有陪山簡醉。反關莫厭孟公留。秋田粗可供佳客。不比封君亦素侯。

書懷

人間窮達命污隆。作意功名欲捕風。但見劉班誤車子。何曾鄧禹笑王融。官曹得飽餘何事。書課乘閒亦雋功。少待尊鱸付張翰。一溪風月放船蓬。

再次韻謝高幾宜惠詩

小窠茨竹卽爲堂。暇訪溪林索豫章。平日牀頭但周易。看人筆落便靈光。庠隆賦質差多樣。良楛論材要當行。莫向黔婁問奇貨。長沙舞袖可能長。

歸歟老秋

已辦求田問舍謀。登臨那復更悲秋。蟹肥與客爭先把。稻熟催兒徹晚收。霜後峰巒添峭措。波間鷗鷺劇風流。寰中勝處天應惜。付與癡兒祇暗投。

宿何人家

步尋松篠款谿筇。忽到孤山處士家。十頃蒼鱗漾墻角。一鉤寒玉插簷牙。杯行不乏紅絲餚。飯了仍供白露芽。把臂傾舒吾已怯。又分離緒上歸槎。

凌晨張司戶惠詩次韻

小駐江干接雋遊。涓清涇濁可同流。假真笑我陳驚坐。造

妙推君趙倚樓。姓字已高時輩上。功名尤忌鬣毛秋。等閑
莫學金華伯。碧水如天擬夢鷗。山谷詩夢作白鷗去江南
仕途決矣息交遊。姑向林泉訪勝流。短褐直甘乘下澤。異
鄉終勝賦登樓。驚心夢境檀槐戰。屈指鄉園秫稻秋。雉翳
龜焦緣有用。未聞金彈中沙鷗。

西林訪銛師 師頗能詩

天將宿雨淨春空。却著湖山鼓吹中。載酒言辭藉花伴。運
斤來看斲泥工。前身師定參寥子。拙宦吾今張長公。俛首
人間皆長物。未妨分饗北窗風。

夜宿商卿家 復用楊字韻

崔蒲無警南塘靜。歎歲村區鼓罷搗。更喜良宵共譚麈。幾
宿親手剪燈花。酌無多酒仍餘味。懶不吟詩政自嘉。蝶夢

還還纔一霎。鄰鷄啼罷又啼鷓。

晚飯商卿家 用前韻

我似長松久卧沙。迄今諫鼓夢猶撻。倚消愁斛人如玉。欲
近書籤眼有花。投老無庸尚強聒。過君每宥具柔嘉。焚酎
得飽行摩腹。不省饑號有暮鷓。

重九山陽儀真兩使君送酒

酒會文期興尚濃。佳辰一笑坐天窮。兩州各遣六從事。九
日俄成一病翁。詩不受催空急雨。帽無緣落任西風。明朝
晴徑通行屐。却漫枝筇遶菊叢。

次韻高賓王見投

殘年病眼苦眵昏。盡屏甘腴誓綠樽。龍樹難逢刮膜手。孟
公顧有獨醒孫。頗煩十吏俱揮掃。無奈諸峰役夢魂。友義

惟公記衰疾。新編有到雀羅門。

病念還家可奈愁。客中日月急梭投。土花暈壁迎梅雨。海
燕將雛送麥秋。露袖正憐珠隕曉。關門能復玉爲舟。指頭
悶膝高春臥。黃妳青奴共此樓。

再次韻自詠簡賓王二首

魚磔清澄鳥愛昏。陶翁歸計酒盈樽。山田雨足鳩呼子。籬
援春淡竹有孫。百首旋編新賦詠。三生猶憶舊精魂。小摩
他日紅塵眼。閑送蜚雲過海門。
庾郎胸次枉堆愁。馮衍才名迄不投。歸去來兮歲華晚。未
如何矣鬢毛秋。令感心事千年鶴。張翰生涯一葉舟。回首
月堂金谷夢。却憐海蜃結飛樓。

次張學錄韻

燒香爲后山。展像拜太虛。誰能作九原。候蟲弔寒墟。
臞鴨久欲忘。食蛙近亦稍。人言淮浙殊。得飽不汝較。

再次贈張學錄韻

李蔡下中爾。萬目指騫騰。何蕃頭欲白。秋窗耿青燈。
張子攜詩來。危坐撥芋火。三問笑不對。政恐非助我。

次韻錢倅諸公睡杏花

鈞窗玩孤芳。殘月衣上明。紫囊拆蘭麝。小風弄初晴。

泊上虞驛來日行

梁湖莽蒼外。後去未云遲。縣市容吾戀。江湖不汝期。

早夏

安石榴花猩血鮮。涼荷高葉碧田田。鱗魚入市河豚罷。已
破江南打麥天。

滿地榆錢未掃除。畫簷忽復燕將雛。風窗夢破搔頭坐。重課兒時讀了書。

題趙秀才壁

日日危亭凭曲欄。幾山蒼翠擁煙鬟。連朝策馬衝雲去。盡是亭中望處山。

謝兩知縣送鵝酒羊麵

僧樣齋厨水樣官。饑憑脫粟食無單。不因同里兼同姓。宜念先生苜蓿盤。

次兩知縣韻

老去棲遲八品官。劔頤滾海訪田單。東鄰未省吟髭斷。笑擲牙牌命肉盤。

寓吳門

張監留居平江率趙守袁憲月助桂玉費作

溪翁園客問何如。可諱浮生百計疎。不憚典衣規得酒。長因乞米術能書。

興闌猛輟凌江棹。重看鶯花茂苑春。歸自乘流畱亦好。浙風淮俗總宜人。

紹熙壬子勸耕妙勝

桑條麥隴接比鄰。社酒家炊丐路人。風俗尚如它日否。憑誰細問故園春。

定海甲寅口號七首

長官清苦舊傳聞。檢放禾苗近四分。畢竟不緣胥吏手。旱頭科斂枉紛紛。

田租有約不相違。比着豐年數已虧。一飽分明郎首賜。幾曾刺口問抽單。

已抄口數報隅官。歲後朝舖定不難。且願眼前疆健在。趁坊討海過冬寒。

水泛溝塍意欲饜。凌晨還復雨廉纖。早秧未領其感切猶須

插晚穀無多不更增。直廉切

父子分頭上海船。今年海熟勝常年。官中可但追呼少。不質田輸折米錢。

人家兩兩捉春歸。笑語相過復嘆咨。共說颶頭前夜作。幾人莆網罟流尸。

連宵飛雨喜滂流。已入梅天過麥秋。二十年前如此晚。金城地抱却全收。

謝張德恭送糟蚶德恭師文友也

壓倒淤泥白蓮藕。半指介甲露纒纖。玉川水厄那知此。急具薑蔥喚阿添。

慶元冬再到盱眙

虎頭山下參天柳。親見栽時共我長。柳自摧殘人自老。半生不抵熟黃梁。

日行竿確面屏顏。舊慣山居意易闌。見說煙雲瑱嶠碎。此人爭指畫圖看。

閑居營隙地頗事栽種隨遇作一詩前後不同故無倫次

雪雲脫壞漏朝陽。風物橫前引興長。紅糝紫蕤今次第。遷鶯來燕費商量。

種桃接李不辭勤。旋作花前把酒人。羨殺文禽映花語。飛來趁得見成春。

春來敢自貸衰慵。正要檀欒間白紅。愛竹少畱枝策徑。灌

花分破著書功。
步屨歸來未覺勞。迎門喧笑問兒曹。笑翁渾似魚千里。小圃周圍日幾遭。

客夜不寐

陣鴻輟轡上雲衢。夢欲成時每破除。少睡更堪寒夜永。新來熟遍少時書。

江行

帆桅飛去劃空明。人倚東風兩翼生。世事快人如此否。日斜三百不留行。

到房交代

簷外浮嵐暝翠堆。道人親眼爲渠開。食錢官簿何須計。直爲南山亦合來。

復次韻

昔上瞿塘豔預堆。盤渦如井放船開。山行歡喜今非錯。備見梢瀆擎旋來。地有錯歡喜山

十里髻鬟誰綰結。半天蒼翠自嶙峋。教兒莫憚依山住。瀾領裁衣盡土人。

題驛舍

客到淮鄉話楚鄉。長將天末指襄陽。如今漂泊君休問。又過襄陽十舍疆。

房陵十首

似聞僊伯厭乘龍。常混紅塵市井中。覲面未須起避我。褰衣無計改尊公。房人謂巧避云起避力尊爲改尊起七靴反改音尊
陰晴未敢捲簾看。苦霧濛濛鼻爲酸。政使病餘剛制酒。一

孟要敵滂朝寒

晨起霧久乃開土人目曰滂朝

祠壇歌舞雜嗟吁下酉猶濡上酉枯誰謂朝來一折雨歡

聲已覺涕通衢

謂水漚曰酉得雨曰一折雨

竹屋高低正復斜蔚藍影裏著人家底消山峽三分瘴爭

課盧仝七椀茶

土人晨飲茶云勝山嵐氣又曰房三分瘴

夏田少雨富來年多雨何妨穡事秋已戒日供皮子麵更

教晚稻飽霜收

晚稻皆麥不麥者曰皮子麵稻待霜乃收曰飽霜

跨牛待得夕陽回在處諸嫵笑口開已借蠟錢輸麥稅免

教緝捕闖門來

弓手下鄉日以緝捕

杯酒清濃肉更肥咸言趁社極歡嬉丁寧向去坐年日要

似如今斂脯時

年日飲食曰坐年社日日斂脯

農閑閭里有逢迎白飲傍邊骨在羹老稚不妨頑過口邊

頭難得是升平

俗謂戲曰頑羹曰骨在

刈罷秋禾未敢慵更須趁逐過殘冬城中竹筴今年貴鹽

茗新來免闕供

賣枯竹供爨曰竹筴古巧反

翁媪同圍老瓦盆倒菊新酒雜清渾規南規北皆春社日

放烏犍卧晏溫

村落所聚曰規

春寒

掃雪堦頭曉未乾東風作惡鼻仍酸西園點檢江梅後祇

有櫻桃不避寒

稍稍春光到眼中衝寒試與小擔筇杏花已尾櫻花折正

要淡紅間淡紅

清明寒食經旬是笑問風寒更幾餘小杏惜昏春恰恰新

楊弄影午疎疎

平明欲斂雲復厚薄晚禾休風更顛老怯春寒不宜出下
惟添火擁書眠

不寐二首

改變年來所著音在汝心身隔華胥寒更何與衰翁事數
到淨擬殺點餘

追思可樂是丁巳一力草草言食眠頭觸屏風紙燈後慈
親笑勸掩陳編

寄張子仲思

一思交好一寒楚齋吳山子迷怕說萬山天樣遠房
陵更在萬山

四月再遊西湖

春光陸續委東流看到湖堂安石欄更與蘇堤濕鷺約

舟來賞牡丹秋俗目芙蓉秋牡丹

吟詩自笑

文字光騰萬丈長錦官老杜豫章黃投荒忍死經人鮓討
飯充場上岳陽南昌詩云我雖窮至骨猶勝杜陵老憶昔

